



新刊監本冊府元龜卷第二百六十一

皇天儲宮部六

忠諫

褒寵

追謚

忠諫

傳曰父有諍子又曰從命不忿微諫不倦可謂孝乎若乃奉家

祀之重居儲副之位義均休戚情兼隱犯其或政令之非便舉

動之過差而能內發至誠遠徵古義周旋規切納君於善上以

成愷悌之化下以慰人神之望茂毓明德誕彰令聞此蓋守器

之盛美信史之耿光也

周靈王之時穀維關將毀王宮

穀維二水名關者雨水裕有似於關維在王城南穀在城北毀

王之城西南王欲壅之

使北出也

太子晉諫曰不可聞古

長民者居也不隳山不崇崇高也教木曰教也澤無不防川防也不實澤

澤居水也實也陂陂也天性不夫山土之聚也教物之歸也為歸所川氣之

道也道也達澤水之鍾也鍾聚也夫天地成而聚於高歸物於下高

陵也下也疏為山谷以道其氣也陂塘汗庫以鍾其美音水曰

也美謂也滋潤也是故聚不地壞而物有所歸大曰壞也氣不沉滯而亦不

散也越遠也是以民生有財用而死有所葬物有所歸故所

壞故無越遠也無昏天札瘥之憂而無饑寒乏匱之患短折曰天狂感

也瘥病也故上下能相固以待不虞古之聖王唯此之慎昔共工棄

此道也顛項氏襄共工氏侵凌諸虞子湛樂虞安也湛淫也

皇天弗福庶民弗助禍亂並興共工用滅其在有虞有崇伯鯀

言有虞者鯀之謀舜之為也播其淫心彌遂共工之過播於稱

之過者謂彰堯用殛之於羽山殛誅也舜臣堯其後伯禹念前

之非度法也釐改制量釐理也象物天地取法天地之物象也共

之從孫四岳佐之共共工也從孫昆弟之孫四岳官名主高高

下下流川道滯高高謂封崇九山下謂陂障九澤鍾水豐物

鍾聚畜水潦所封崇九山封大嵩高陸其壅塞道其水泉使不

以封百物也澤之中山川豐殖九藪藪茂也汨越九原越揚宅居九隩隩內

河之障防也州之內皆合通四海使執故天無伏陰有霜電地無散陽散陽

可宅居實水無沉氣魚伏積也火無灾輝焯焯神無間行間行姦神民無

淫心陰陽調財足用故時無逆數暑反逆物無害生螻蝗之屬

皇天嘉之祚以天下祚祿賜姓曰姒氏日有夏如封之有夏謂

其能以嘉祉殷富生物也以其能以善福殷富天下生也亦曰

國命為侯伯堯有四岳佐禹有功封於賜姓曰姜姜四岳之姓黃

帝世衰其後受易至四岳有後氏日有呂氏以國為謂其能為禹

帝後賜之師使紹帝之後云股肱心膂以養物豐民人也以四岳能輔成禹功比於此一

王四伯豈繫名寵皆亡王之後也一王謂禹四伯四岳也言禹

共工從孫共工侵凌諸侯以自王及其失之也必有惰淫之心

間之代其嘉巧謂若繫之也故亡其氏姓路弊不振路僵也

絕後無主無祭埋替隸圉夫二亡者豈繫無寵

皆黃炎之後工炎帝之後共反其得之也必有忠信之心間之

以忠信代度於天地而順於時動順四時之和於民神而儀於

物則故高朗令終顯融昭明朗明也終成命姓受氏而附之以

今名也附隨其興者必有夏呂之功焉其廢者必有共鯀之敗焉

今吾執政魚乃實有所避明精也而滑夫二川之神滑音骨使至

於爭明以防王宮明精也王而飾之無乃不可乎人有言曰無過

亂人之門也亂人狂悖怨亂之人又曰佐饒者嘗焉佐鬪者傷焉

又曰禍不好不能為禍生於好也大詩曰四牡騤騤旗旒有翩

亂生不夷靡國不泯騤騤行貌鳥準曰旒旒龜蛇也屬王好行

征伐用兵不得其所禍又日民之貪亂寧為荼毒寧安荼苦也

亂不平無國而不滅王將防關川以飾害是飾亂也佐關也其無乃

章禍且遇傷乎自我先王厲宣幽平而貪夫禍至於今未弭此

王父子相繼屬暴虐而修怨宣不務農而料民幽昏亂我又章

之懼長及子孫王室其愈卑乎其若之何詩云殷鑒不遠在夏

后之世謂湯將焉用飾害其以徵亂也度之天神則非禘也此

之地物則非義也類之民則則非仁也方之時動則順也

前訓則非正也

時動非順謂逆四時之令

觀之詩書與民之憲言

詩書亂生不夷之屬

民之憲言無過亂人之門

則皆亡王之為也夫事大不從象小不從文

象天象地

文詩書也

上非天刑下非地德

刑法也德利也

中非民則方民非時動而作

之必不節矣作又不節害之道也王卒壅之

漢元帝初為太子柔仁好儒見宣帝所用多文法吏以刑名繩

下

申子學辨刑名者以名責實尊君卑臣崇上抑下宣帝好現其君臣篇繩謂彈之治耳

大臣揚憚蓋寬

饒等坐刺譏辭語為罪而誅太子嘗侍燕從容言陛下特刑太

深宜用儒生宣帝作色曰漢家自有制度本以霸王者雜之柰

何純任德教用周政乎

之姬周

且俗儒不達時宜好是古邦今

人眩於名實

眩也

不之所守何足委任乃嘆曰亂我家者太子

也

後漢明帝初為皇太子光武每旦視朝日昃乃罷數引公卿即

將講論理道夜分乃寐太子見帝勤勞不怠承間諫曰陛下有

禹湯之明而失黃老養性之福願願受精神優游自寧帝曰我

自樂此不為疲也

吳孫登為太子時留鎮武昌後弟慮卒大帝為之降損登晝夜

兼行到躡卿自聞即時召見見帝悲泣因諫曰慮寢疾不起此

乃命也方今朔土未一四海喁喁天載陛下而以下流之念戒

損大官殺饌過於禮制臣竊憂惶帝納其言為之加膳時帝信

任較事呂壹壹性苛慘用法深刻登數諫帝不大臣繇是莫敢

言後姦罪發露伏誅帝引咎責躬赤烏四年太子卒臨終上疏

曰臣以無狀嬰抱篤疾自省微劣懼卒隕斃臣不自惜念嘗委
離供養埋骨后土長不復奉望宮省朝覲日月生無益於國死
貽陛下重戚以此為哽結耳臣聞死生有命長短自天周晉顏
回有上智之才而尚夭折况臣愚陋年過其壽生為國嗣沒享
榮祚於臣已多亦何愁恨哉方今大事未定逋寇未討萬國喁
喁係命陛下危者望安亂者望治願陛下棄忘臣身割下流之
思修黃老之術篤養神光加羞珍膳廣禱神明之慮以慮無窮
之業則率土幸賴臣死無恨也皇子和仁孝聽哲德行清茂宜
早建置以繫民望諸葛恪才略博達器任佐時張休顧譚謝景
皆通敏有識斷入宜委復心出可為爪牙范鎮華融矯矯壯節
有國士之風羊銜辯捷有專對之材刁畜玄優弘志履道真裴
欽博記翰采足用蔣修虞翻志節分明凡此諸臣或宜廊廟或
任將帥皆練時事明習法令守信固義有不可奪之志此皆階
下日月所昭選置臣宮得與從事脩知情素敢以陳聞臣重惟
當今方外多虞師旅未休當厲六軍以圖進取軍以人為重象
以財為寶竊聞郡縣頗有荒殘民物彫斃姦亂萌生是以法令
繁滋刑辟重切臣聞為政聽民律令與時推移誠宜與將相大
臣詳擇時宜博采衆議寬刑輕賦均息力役以順民望陸遜忠
勤於時出身憂國譽譽在公有匪躬之節諸葛瑾步騭朱然全
琮朱提呂岱吳繁闕澤嚴畷張承孫怡忠於為國通達治體可
令陳止便宜蠲除苛煩愛養士馬撫循百姓五年之外十年之
內遠者歸復近者尽力兵不血刃而大事可定矣臣聞烏之將

死其鳴也哀人之將死其言也善故子囊臨終遺言戒時君子以為忠愷况臣登其能已乎願陛下留意聽臣雖死之日猶生之年也既絕而後書聞大帝益以推感言則隕涕孫和為太子時有司頗有條書問事和以為姦妄之人將因事錯以意生禍心不可長也表宜絕之時諸葛豐偽叛以誘魏將諸葛誕大帝潛軍待之和以帝暴露外次又戰者凶事常憂勞惜但不復會同飲食數上諫戒令持重務在全勝帝還然後敢安

梁昭明太子統武帝大通二年春詔遣前交州刺史王弁假節發吳及吳興信義三郡民丁就役太子上疏曰伏聞當發王弁等上都三郡民丁開漕溝渠導泄震澤使吳興一鏡無復水災

誠矜恤之至仁經畧之遠旨暫勞永逸必獲後利未萌難覩竊有愚懷所聞吳興累年失收民頗流移吳郡十城亦不全熟唯義興去秋有稔復非常役之民即東境穀價猶貴竊盜屢起所在有司皆不聞奏今征戍未歸疆丁踈少此雖小舉竊恐難今更一呼聞動為民蠹出丁之處遠近不等皆得齊集已防蠶農去年稱為豐歲公私未至足食如復今茲失業慮為弊更深且草竊多伺候民間虛實若善人從役則抄盜彌增吳興未受其益內地已罹其弊不審可得權停此功否伏望聖心垂綏黎庶神量久已有在臣意見庸淺不識事宜苟有愚心願得上啓帝優詔諭焉

簡文帝為太子時高祖銳意儒雅疏簡刑法自公卿大臣咸不

以鞠獄留意姦吏招權巧文弄法貨賄成市多致枉濫大率二
歲至五千人是時從居作者俱五任無任者著斗械若疾病權
解之是後囚徒或有優劇太子在春宮視事見而怒之乃上疏
曰臣以此時奏刺權視京師事竊見南北郊壇村官軍府大官
下省佐裝等處並啓請四五歲以上輕囚助充使役自有刑均
罪等憊目不異而甲侍錢署一配郊壇錢署三所於事為劇郊
壇六處在役則優令聽獄官詳其可否舞文之路自此而生公
平難遇其人流舞易啓其齒將恐玉科重輕全閔墨綬金書去
取更繇丹筆愚謂宜詳五條制以唯永准高祖手刺報曰頃年
以來處處之役唯資徒謫遂急充配若科制繁細義同簡絲切
須之處終不可得引例興訟紛紜方始防杜姦巧自是為難當

更別思取其便也

隋房陵王勇初為皇太子時高祖以民流冗遣使案簡又欲徙
民北實邊塞勇上書諫曰竊以尊俗當漸非可頓革戀土懷舊
人之本情波迸流離蓋不獲已齊之末主闇時昏周平東夏
繼以威靈民不堪命致有逃亡非厭家鄉願為羈旅加以去年
三方逆亂賴陛下仁聖區域肅清鋒刃雖屏瘡痍未復若假以
數歲沐浴皇風逃竄之徒自然歸本雖北夷猖獗嘗犯邊烽今
城鎮峻峙所在嚴固何待遷配以致勞擾臣以庸虛謬當儲貳
寸誠管見輒以塵聞帝覽而嘉之遂寢其事是後政不便多所
損益帝每納之

唐太宗初為太子時太宗嘗怒苑西面監穆裕農園不修命於

朝堂斬之待臣戰慄莫敢進言太子諫之曰人者有生最靈一死不可復活命即殺之理恐未盡請付法推鞠太宗意解乃答而釋之司徒長孫無忌進曰自古太子諫其君父者周王子晉漢明帝吳孫登等承間而言事非倉卒今日陛下發天威之怒太子申犯顏之諫斯誠四海之福古今未有太宗曰堯師務成舜師尹壽殷宗周文皆有請益自朕御天下虛心正人即有魏徵朝夕納諫自徵云亡劉洎繼之太子幼在膝前每見規諫者朕嘗心其言染以成性故有今日之規耳

太子弘高祖第五子也總章中勅征遼軍人逃亡限內不首及更有逃亡者身並處斬家口沒官太子上表諫曰竊聞背軍之身父不出家口皆擬沒官亦有限外出首未經斷罪諸州囚禁

人數致多或臨時遇病不及軍伍緣茲怖懼遂有逃亡或因採樵被賊抄掠或度船來去漂沒滄波或深入賊庭有被傷殺軍法嚴重皆須給僦若不給僦及因戰亡即同隊之人兼合有罪遂有無故死失多注為逃軍旅之中不暇勘當直據隊司通狀將作真逃家口令摠沒官論情寔可哀愍書曰與其殺不辜寧失不經伏願亡逃之家免其配沒詔從之

上元三年左威衛大將軍權善才右監門衛中郎將范懷義並為斫昭陵栢木高宗將殺之太子抗疏善才等嘗預著察先經驅策期於矜貸帝從之善才僅免死除名懷義配流桂州昭陵令孔禎以不能簡察免官

順宗初為太子於父子間慈孝交結無嫌每以天下為憂

德宗在位稍久不暇宰相權而左右得緣用事外則裴延齡李
竒運韋渠牟等以佞相次進用延齡尤狡險判度支務剝聚
斂自以為功天下皆怨怒太子每進見候顏色輒言其不可及
陸贄張滂李充等以毀譴朝臣懼懼諫議大夫陽城等伏閣極
論德宗怒甚將加城等罪外無敢救者太子獨開解之城等賴
以免德宗卒不相延齡渠牟者太子之力也

德宗嘗泛舟魚藻宮觀水嬉命太子昇舟具皆飾以金碧丹青
使婦人盛飾操篙楫行舟光彩瑛燭絲竹歌謳俱發德宗頷謂
太子曰今日如何對曰極盛退因以奢為諫德宗不說

貞元中中官多詐稱宮市肆奪人物百姓怨苦太子嘗以為言
德宗雖不能悉聽用而心益賢重太子太子未嘗假借內官顏

色居東宮二十餘年天下陰受其福

褒寵

傳曰太子奉冢祀社稷之禋盛以朝夕視君膳者聖人所以重
宗廟社稷不忘天下也其有鷹監撫之重茂溫文之德佩服前
訓率繇善道日新之美既洽天性之愛益隆乃至冠服加其異
數朝會申其殊制優錫無筭用財不會璽書褒其才智天章譽
其仁孝斯皆尊元良而貞邦本流簡素而揚懿烈者也

漢武帝為太子元帝嘗急召太子出龍樓門

樓上有銅龍若白鶴飛廉之為名

不敢絕馳道

道天子所行道也若西至直城門黃圖西出南得

絕乃度入作室門帝遣之問其故以狀對帝大悅乃著令太子

得絕馳道

南齊鬱王林昭帝業武帝時為皇太孫進封晉吐甚有美譽王
候五日一問訊武帝嘗獨呼昭業坐幄座別加撫問呼為法身
鍾愛甚重

梁昭明太子統高祖長子天監十四年正月朔旦高祖臨軒冠
太子於太極殿舊制太子着遠遊冠金蟬翠綬纓至是詔加金
博山

唐廢太子承乾太宗長子貞觀十六年詔曰儲貳不會自古嘗
式近代以來多為節限求之故實殊非事宜自皇太子出用庫
物所司勿為限制皇太子承乾抗表謝詔答曰汝家之冢嫡國
之儲兩故有司命以彰有殊八學齒胄則君臣之義也同之府
庫實父子一體也是以君子富而不驕謙而受益奢則不孫以

約失之者鮮矣勉思守道無煩致謝

高宗為皇太子貞觀十八年十一月己酉日南至皇太子王公
已下展賀於貞觀殿太宗曰朕一二年中始見太子拜賀太子
宗社之本四海所繫而治天資仁孝內外傾服朕之此舉無愧
於人神也十九年太宗征遼班師十一月丙戌幸定州庚寅詔
愛敬所覃格於四海仁孝所感周於百姓自春監國既處定州
首創德風在乎茲境所以事敬養之道有隱無犯之情爰自中
山流于率土地居宣化之本人稟純孝之深有足可嘉特須優
異其定州管內孝行著聞者宜與宗姓老人同賜宴會二十年
三月詔皇太子斷決機務每間日聽政於東宮罷朝復侍寢間
嘗藥視膳不離左右乃太宗寢殿側別置一院令太子居焉

唐太子賢宗高第六子也咸亨三年立為皇太子尋令監國賢處事明審為時論所稱手勅褒之曰皇太子賢自頃監國留心政要撫字之道既盡於哀矜刑網所施務存乎審察加以聽覽餘暇專精墳典徃聖遺編咸窺壹奧先王冊府脩討菁華好善載彰作禎斯在家國之倚深副所懷可賜物五萬段

中宗為皇太子長安二年七月丙戌則天以時熱詔皇太子外朝令用扇障日太子抗表固讓優制不許肅宗為皇太子天寶八年玄宗製仁孝詩六章札於步障以賜太子令中官高力士以示朝臣宰相李林甫陳希烈等奏曰伏見太子生日撰仁孝詩障子并書臣等伏以宸章煥發睿札凝暉懸日月而齊光自雲而下濟驚心靡撼動色相歡太子稟自生知脩承聖訓中姿

有裕令望夙彰陛下示以義方刑於翰墨爰於誕育之日授以孝之經上揚宗祖之美旁考天人之際錫賚所弘教養斯遠足可發揮前古垂範將來凡在衣冠之流咸之父子之道豈比周稱教喻還齒胄於上庠漢寵元良但招賢於上苑王化之本實此知歸人倫所資罔不申勸臣等愚謬典樞衡特奉鴻私奉覩殊貺捧天書而竊抃仰聖澤以無寧無任悅豫之至仍望具寫六章頒示中外兼編諸簡策傳之不朽上手詔報曰詩者志之所之也將以道達性情宣揚教義耳朕承五聖之業萬方之寄主壘叶於神心元良貞於國本美其克踐仁孝恭修支睦深慰於懷不覺形之諷咏今請六章頒示中外兼編諸簡策以傳不朽亦欲自家刑國以訓人倫宜依來諸

追謚

古者諸侯薨則請行以賜謚矧夫明兩之位主器攸重不幸奄忽震悼於宸極易名之典繇是行焉若乃岐嶷天資溫文秉哲將正萬邦而降年不永適固宗本而誣構及禍亦有嫉惡發憤矯命不勝遭世中圯或罹兵難莫不申哀節惠追加寵數其或違背師訓稔惡弗革千紀敗度罹於廢黜司籍所紀書法不隱懲勸之義於斯見矣至於崇置園邑升列廟饗亦并叙之

漢戾太子據武帝長子元狩元年立為皇太子征和二年以檀發長樂宮衛斬江充兵敗自頸於湖今陝州湖城縣及太子孫即位詔曰故皇太子在湖未有號謚歲時祀其議置園邑有司奏謚請曰謚者行之迹也皇太子謚曰戾置奉邑二百家

吳太子登太帝長子赤烏四年薨謚曰宣太子

初葬句容置園邑奉守如法後

三年改葬符陵

晉愍懷太子遼惠帝長子即位立為皇太子元康九年為賈后中遣廢為庶人幽於金墉城殺之及賈后廢遼子尚為皇太孫乃冊復太子曰嗚呼維爾少資岐嶷之質荷先帝殊異之寵大啓土宇奄有淮陵朕奉遵遺旨越建爾儲副以光顯我宗祇爾德行以從保傳事親孝敬禮無違者而朕昧於凶構致爾於非命之禍俾申生孝已復見於今賴宰相賢明人神憤怨用啓朕心討厥有罪咸伏其辜何補于荼毒冤魂酷痛我夏用怛悼宸動於五內今追復皇太子謚曰愍懷

哀太孫愍懷太子于永康元年四月立為皇太孫永寧元年

廢被害大安初追謚曰哀惠太子十四日五歲皇太后崩
冲太孫尚愍懷太子于永寧元年立為皇太孫大安元年薨謚
曰冲懷太子
南齊惠文太子長懋武帝長即位立為皇太子永明十一年薨
帝幸東宮臨哭尽哀詔斂以袞冕之服謚曰文惠
梁昭明太子統武帝長子即位立為皇太子大通三年薨帝幸
東宮臨哭詔斂以袞冕謚曰昭明
哀太子大器簡文帝嫡長子即位立為皇太子大寶二年為侯
景所害承聖元年追謚曰哀
愍懷太子方矩元帝第四子帝承制拜為王太子改名元良承
聖元年即位皇太子及江陵陷為魏師所害敬帝承製追謚曰

愍懷太子

後梁孝惠太子察宣帝長子帝初為梁王立為世子病卒及帝
稱大號追謚孝惠太子

陳孝懷太子克高祖之子帝初封陳王立為世子及受禪追謚
孝惠

唐隱太子建成高祖長子武德九年以謀害太宗伏誅貞觀元
年追封惠王謚曰隱十六年詔曰昔庾園敗德西都表其號謚
楚英千紀東漢錫其湯沐斯皆屈邦國之禁申骨肉之恩也是
隱王地乃居長守器運初自貽伊戚陷於禍難日月逾邁松楸
成行朕嗣守鴻基頒尋遺烈何嘗不陟被崗而靡觀瞻同株而
疚懷思備哀榮式加禮命可追復皇太子謚仍依前陵曰隱陵

置令以下官并加戶守衛

太子弘高宗五子初封代王顯慶元年立為皇太子上元二年薨於合璧宮之綺雲殿詔曰朕肅承鴻緒無忘馭朽之懷虔奉聖謨每切臨深之懼幸以穹昊垂右宗社降靈公卿夙叶贊之謀黎庶遂懷生之望故得乾坤交泰日月休徵垂衣而晏九瀛端拱而家六合方將回鑿峒岫體高尚於軒皇脫屣汾川追謚軌於伊后成功弗處思遵象帝之規守器斯傳用申知子之授皇太子弘生知誕質惟幾毓性肅敬著于三廟聞於四海若使荷負宗廟寧濟邦家必能永保昌圖克延景曆豈獨遽嬰露霧遂至彌留顧惟輝掌之珍特切鍾心之稔庶其痊復以禪鴻名及賸理微和將遜於位而弘天資仁厚孝心純確既承朕命奄

歎不言因茲感結舊疾增甚億兆攸係方崇下武之基五福無徵俄速上賓之駕天性之重追懷哽咽宜申徃命加以尊名夫謚者行之迹也號者事之表也慈惠愛親曰孝死不忘君曰敬可謚為孝敬皇帝仍遵典故式脩徽章布告遐邇通使知朕意神龍元年六月祔神主于太廟號義宗有司奏言義宗孝敬皇帝昇太廟朕祖宗其名准禮合諱從之遂改弘文館為修文館弘福殿號州弘農縣為帝農縣

章懷太子賢高宗第六子上元二年立為皇太子調露二年則天令人發陰其事廢於庶人遷於巴州卒中興初追贈司徒使迎其喪柩陪葬乾陵睿宗踐祚追贈皇太子曰章懷廟號陟崗懿德太子重閏中宗長子初生於東宮立為皇太孫聖曆初改

封邵王大足元年為人所搆則天殺之神龍元年追贈皇太子
謚曰懿德

節愍太子重俊中宗第三子神龍二年立為皇太子三年矯制
發左右羽林兵殺武三思及其子宗訓入求韋庶人不克而死
景雲元年制曰朕聞曾氏之孝也慈親惑於疑聽趙虜之族也
明主哀而望思歷考前聞率繇舊典重俊大行之子元良守器
往罹搆間困於讒嫉莫顧鈇鉞輕盜甲兵有此誅夷無不悲惋
今四凶咸服十起何追方申赤暈之寃以舒黃泉之痛可贈皇
太子曰謚曰節愍陪葬定陵時大府少卿韋湊上疏駁之不納

事具禮官
奏議門

廢太子瑛立宗第二子開元三年立為皇太子二十五年為中

書令李林甫搆廢為庶人賜死於城東驛寶應元年詔贈為皇
太子

惠昭太子寧憲宗長子元和四年立為皇太子六年薨謚曰惠
昭七年立廟在懷貞坊置官吏四時置享莊恪太子永文宗長
子大和六年立為皇太子開城三年十一月薨謚曰莊恪十一
月太嘗禮院奏莊恪太子准惠昭太子例合立廟請下有司從
之

新刊監本冊府元龜卷第二百六十一

新刊監本冊府元龜卷第二百六十二

宗室部

總序

古者糾合宗族所以展親建立子孫用為夾輔故能庇於本根
 謂之藩屏分以寶玉禮之賑燔故孝悌之道達骨肉之恩厚焉
 雖復高周已徃典籍靡全然其大抵亦可槩見昔者黃帝二十
 五子凡一十四姓故其裔緒後世尤盛高陽氏生一子後世有
 有才子八人是曰八凱高辛氏生四子皆有天下後世有才子
 八人是曰八元又黃帝之後有驩兜少昊之後有共工顓頊之
 後有鯀雖帝者之胄而其德不類焉堯有庶子九人舜亦有庶
 子其嫡子不立故庶子之封爵無聞焉然自黃帝以迄舜禹皆

同姓而異號則其宗枝盛矣禹之後以國為氏者凡十有三人
蓋夏后氏有扈有氏男氏斟尋氏彤城氏褒氏曹氏杞氏繒氏
辛氏冥氏斟氏戈氏焉其孫大康有弟五人號曰五觀即夏書
所謂五子之歌也者湯之後以國為氏者凡七蓋商氏來氏宋
氏空桐氏緡氏北殷氏自夷氏焉其後帝乙正妃生三子微子
微仲紂也庶妃生一子箕子也紂生一子武庚紂雖國失武庚
雖不祀而微子箕子皆聞於周焉周初封國八百而同姓者五
十有餘國詩謂周文王則百斯男經史所載正妃大妣之子十
人餘莫可知其國存者十六而已文武周公之胄分封而受國
者即左氏所謂管蔡邲霍魯衛毛聃郟雍曹滕畢原鄆郈文之
昭也邢晉應韓武之穆也凡蔣邢茅胙祭周公之裔也秦氏分
封以國為姓有徐氏郟氏莒氏終黎氏運奄氏莒表氏將梁氏
黃氏江氏修英氏白冥氏蜚庶氏始皇并有天下而子弟不得
封建長子扶蘇及諸公子將閭昆弟皆為胡亥所殺故其祚滅
焉漢制非劉氏不王皇子封王金璽蓋綬掌治其國高祖尊王
子弟大啓九國連城數十景帝晁錯削地之謀而吳楚七國皆
叛及七國既誅五年乃令諸侯王不得治國又以諸侯王疆土
過制或僭差失軌而子弟為匹夫輕重不相準於是制詔諸侯
王或欲推恩分子弟邑者令各條上自是支庶畢侯矣然而藩
國自折其後皇子始封者大國不過十餘城至於哀平之際皆
繼體苗裔宗屬踈遠不為士民所尊勢與富室亡異後漢皇子
為王皆安車朱班輪青蓋輻文鞞金塗故名曰王青蓋車赤綬

四采長二丈一尺三百首皇孫緣車名曰皇孫車諸侯王法官屬傅相已下皆備鹵簿似京都官騎張弓帶韃遮避出入稱課促封者受茅土歸立社稷為宮室其列侯以肺腑在京都者亦隨時見位食在博士議郎謂之猥侯諸王皆就封東平王蒼明帝母弟為驃騎大將軍輔政後亦罷歸因其餘宗室以才能為公卿者多矣晉制諸侯王青蓋車皇孫緣蓋車並駕三左右駢諸王有勲德者特加皂蓋車國初諸王皆在京都咸寧中衛將軍楊珖與中書監荀勗以齊王攸有時望所歸懼有後難同追故司空裴秀立五等封建之旨共言於武帝以為異姓諸居邊宜參以親戚帝下詔議其制有司奏從制為大國次國小國非皇子不得為王而諸王之支庶亦各以土推恩受封其大國小

國始封之王支子為公所封王之子為侯繼承王之子為伯小國五千戶已上始封王之支子為子不滿五千戶始封王之支子及始封公侯之支子皆為男大國中國置三軍中軍中二

上下軍各千五百人次國二軍上軍二千人下軍千人小國一軍其未之國大國置守土百人次國八十人小國六十人西晉諸王皆主兵臨州以兵威勢相陵干戈並構隊于屠滅蓋有漸爾宋世諸王得白服裙帽出入齊閣唯太極四朝乃脩朝服孝武以南辟王義宣亂逆繇於強盛欲削弱之江夏王義恭乃表諸省易九事有司附益凡或二十條聽事不得南向坐施帳并惟國官正冬不得跣登國殿及夾侍國師傳令及細戟公主妃傳令不得朱服輦不得重柶扇不得雉尾劍不得鹿盧梨

梨不得孔雀白弊夾轂隊不得終襖平乘俱馬不得過二匹胡
伎不得綵衣舞伎正冬著祛衣不得猛面會不得鐸舞林長躡
秀狹舒劍博山綠大幢并五案自非正冬會奏舞曲不得舞朱
妃主不得著緹帶信幢非臺省官悉用絳郡縣內史相及封內
良長於其封君非既在三罷官則不復追敬不合稱臣宜從下
官而已諸嘗行車前後不得過六隊白直夾轂不在其限刀不
得過銀銅為飾諸王女封縣主諸王子孫襲封之王妃及封侯
者夾人行並不得鹵簿諸王子繼體為王者婚葬吉凶悉依諸
國公候之禮不得同皇弟皇子專非輅車不得同油幢平乘舫
皆下兩頭作露平形不得擬象龍舟悉不得朱油帳鏘不得作
五花及鑿笥詔可又王之世子金印紫綬進賢兩梁冠佩山玉

王支子為侯者食邑皆千戶南齊諸王遠遊冠絃纓公臣平冕
各以組為纓八流衣山龍九章纁朱綬者黃纁紺金璽龜紐文
四中即將晉世庶姓為之宋齊以來以處諸王而劉氏肅氏宗
室諸子皆罹非命其傳爵土蓋亦鮮矣梁制諸王皆假金犀符
第一至第五佐領使第一至第十其言曰令境內稱之曰殿下
自稱曰寡人並乘通幟平乘車其有勲德者亦時皆駕皂輪車
其封公侯者假銅虎符竹使符第一言曰教境內稱曰第下自
稱寡人國相以下公文上事皆詣典書自諸王皇宗並青傘朱
裏此雖云梁制然江右相承有自來矣陳因梁制有親王嗣王
藩王之別親王起家中書即諸王子并諸侯世子起家給事江左
餘子並封公起家中書即諸王子并諸侯世子起家給事江左

承西晉諸王開國並以戶數相差為大小三品陳自永定訖於
禎明唯衡王昌特加至五千戶其餘不過二千小國至千戶後
魏皇子封王宮室位立宗師州置三制刺郡置三太守縣至三
令長其一以宗望為之北齊親王位列大司馬上多與梁制同
其封內之調盡以入臺二分食一隋制皇伯叔昆弟皇子謂之
親王乘通轆車初受冊入朝助祭親迎則服袞冕青珠九旒九
章嘗服則遠遊三梁冠黑介幘纁朱綬長一丈八尺二百四十
首自漢而下五輅之制金象草木通得乘之但戒旂章駕馬以
為等級自晉親王公以下車服卑雜故不得乘馬唐制宗正等
掌九族六親之屬籍以別昭穆之序凡五等親有昇降皆立簿
籍三年一遣凡大祭祀及冊命朝會之禮皇親應陪位預會者

亦為宗皇弟兄皆封籍國謂之親王王之子承嫡者謂之嗣王
皇太子諸子並封郡王王子承恩澤者亦封郡王諸子封郡公
其嗣王郡王及特進王子孫承襲者降封國公舊制親王食封
八百戶有至千戶高宗朝以沛縣三王武后所生食封逾於嘗

制神龍初有封五千戶三千戶者

相王封五千戶
衡王封三千戶

開元之後明

皇睦親以寧王竅長封至五千五百戶岐薛愛弟著勳至五千
戶申王家微至四千戶邠王以外枝至一千八百戶其後皇子
封王者二千戶舊以七丁為限至是以三丁為限降封國公先
是高祖受禪以天下未定廣封宗室以威天下皇從弟及姪年
始孩童數十人皆封為郡王又文皇即位因舉宗正屬籍以問
侍臣尚書右僕射封德彝謂非至公之道於是宗室率以屬疏

降爵為郡王公唯有功者封王貞觀十年又詔諸王為代襲刺
史都督俄又罷之文皇至高祖朝其親王有年雖長而不出閤
者其出閤者皆為刺史都督上佐亦有為卿監將軍同正員開
元之後有為大都護節度大使者皆不之任以副都護大使典
其事先天之後皇子幼則居內東封年以漸成長乃於安國寺
東附苑城同為大宅分院居為十王宅令中官押之於夾城中
起居每日家令進膳又引詞舉工書之人入教謂之侍讀十王
謂慶忠埭鄂榮光穎永延濟蓋舉全數其盛儀壽陳豐鎮涼六
王又就封入內宅二十五年鄂光得罪忠繼大統天寶中慶埭
又歿唯榮儀等十四王居院而府幕列於外坊歲時通名起居
而已外諸孫成長又於十宅外置百孫院每歲幸華清宮側亦

有十王院百孫院宮人每院四百餘人百孫院二四十人又於
宮中置維城庫諸王月俸物納之而給用諸孫納妃嫁女亦是
就十宅中太子不居於東宮但居於乘輿所幸之別院太子亦
分院而居婚嫁則同親王公主在於宗人之禮院天寶之末祿
山犯順得明皇之子儀穎而下十一王及扈從其餘宗室多罹
於兵難然而天寶艱難之後宗室子弟賢而立功者唯鄭王曹
王子孫耳代宗大曆九年諸王皆幼多未封建大臣奏議請封
親王分領戎帥以威天下於是皇子勝衣者尽加王爵而不出
閤建中初詔親王子弟帶開府朝秩者出就本班自先天兵興
之後皇於子弟皆散棄無位或流落他縣湮沉不齒無異匹庶
及德宗即位叙用枝屬公族長幼莫不悲感將有大禮必與諸

父昆弟同其齋沐五代之制大約遵於唐室夫以託霄極之尊
依蘿圖之盛承本枝之蕃茂膏盤石之流封是日君宗咸居屬
籍雖親疎之節著於字人而善惡之名紀乎惇史或以德行振
或以才藝升或以悖逆廢或以荒怠黜或以猜忌擯或以至親
顯並著之簡編垂夫龜鑑見善善之有因惡惡之無爽也凡宗
室部四十二門

封建

太史公稱封建之制商氏以前尚矣周監二代列爵五等三聖
之法厥用垂世詩云懷德惟寧宗子維城豈徒敦叙宗黨推廣
仁愛蓋欲其枝葉相持臂指揚使犬牙交錯磐石彌固者爾然
而俗有淳漓道或消長泥於古者未為通變故秦據勢勝專宰

疆理矯枉過正蕩滅禮義炎漢建業大啓藩垣既失厥中流濫
致溢先儒之論蓋亦多矣自茲已降或公或草究其始終隨時
疆弱天之視聽在民耳目深根忠附匪特於茲若夫展親睦族
典章優渥雖或不以德舉亦疆幹作翰之旨也

舜踐帝位封弟象為儲候封之為有庫在夏少康封庶子史闕其名

於會稽以奉守禹之祀

周武王克商平天下封功臣昆弟於是封叔鮮於管管在滎陽

封叔度於蔡二人相紂子武庚祿父治殷遺民封叔旦於魯而

相周為周公臣欽若等曰周公旦於少昊之墟曲阜是為魯公封叔

振鐸於曹封叔武於成封叔處於霍叔封季戴皆求泰伯仲雍

之後得周章已君吳因而封之乃封周章弟虞仲於周之北故

夏虛在河東太陽縣是為虞列為諸侯

成王即位唐有亂周公誅滅唐成王與叔虞戲削桐葉為珪以

與叔虞曰以此封若史佚曰天子無戲言言則史書之禮成之

樂歌之於是遂封叔虞於唐唐在河汾之東方百里周公既誅武庚殺管

叔放蔡叔而分殷餘民為二其一封微子啓於宋以續殷祀其

一封康叔封於衛又封季載於冉臣欽若等檢左傳管蔡邲霍魯衛毛擘邱雍曹滕畢豐卽

文之昭也邢晉應韓武之穆也凡蔣邢茅胙祭周公之裔也今據史記所封八國餘皆闕又封伯禽於魯曰

生以養周公死以為周公後

宣王二十二年封庶子弟友於鄭一云母弟即鄭桓公也

考王封其弟於河南是為桓公以續周公之官職

漢高祖六年十二月詔曰齊古之建國也為今郡縣其後以為

諸侯將軍劉賈數有大功及擇寬惠修德繫者主齊荆地正月

丙午韓王信等奏請以東陽郡鄆郡吳郡五十三縣立劉賈為

荆王以碭郡薛郡郟郡三十六縣立弟文信君交為楚王壬子

以雲中寫門代郡五十三縣立元宜信侯喜為代王以膠東膠

西臨淄濟北博陽城陽郡七十二縣立子肥為王齊賈高祖從

父兄有功交高祖同父弟與蕭曹等俱從高祖入武關至霸上

封文信君從入蜀還定三秦及即帝位嘗出入卧内高祖廢楚

王信分其地為二國立賈為荆王交為楚王先有功也肥之母

高祖微時外婦食七十餘城諸民能齊言者皆與齊齊最為大

國以海初定子弟少感秦孤立亡藩輔故大封同姓以鎮天下

七年十二月匈奴攻代代王喜棄國自歸雒陽却為合陽侯立

子如意為代王是年封兄子姓為顏羨侯十一年十二月封兄子濞為沛侯

正月詔曰代地居嘗山之北與夷狄邊後趙乃從山南有之遠數有胡寇難以為國頗取山南太原之地益屬代代之雲中以西為雲中郡則代受邊寇益少矣王相國通使吏二千石擇可立為代王者燕王給相國何等三千三十人皆曰子某文帝賢名知溫良請立為代王都晉陽
十二月詔曰吳古之建國也日者荆王兼有其地今死亡

後朕欲立吳王其議可者長沙王臣等言沛侯濞重厚可立為吳王初黥布反高祖自將往誅之濞年二十以騎將從破布軍高祖患吳會稽輕悍無狀王填之諸子少乃立濞

十一月封兄子廣為德侯

二月詔諸侯王議可立為燕王者長沙王臣等臣者長沙王請吳濞之子

立子建為燕王

高后元年立惠帝後宮子強為淮陽王不宜疑為嘗山王弘為

襄城侯朝為軹侯武為壺關侯一云皆呂氏子

二年五月封楚元王子郢為下邳侯齊悼惠王子章為朱虛侯

六年四月封齊悼惠王子興居為東牟侯

七年正月立營陵侯劉澤為琅邪王澤高祖從祖昆弟

文帝元年十二月立趙幽王子遂為趙王徙琅邪王澤為燕王

呂氏所奪齊楚地皆歸之二年三月有司請立皇子為諸侯王

詔曰前趙幽王幽死朕甚憐之已立為其太子遂為趙王遂弟

辟疆辟疆言辟禦強梁者一云辟強言闔土地也衛侯朝于周

也諸侯弗得用更其名及齊悼惠王朱虛侯章東牟侯興居有

功可王乃遂立辟疆為河澗王章為城陽王興居為齊北王固

立皇子武為代王參為太原王揖為梁王

四年九月封齊悼惠王子十人為列侯罷軍為管侯甯國為吳

為楊丘侯將閭為楊盧侯辟光為初侯志為安

八年五月封淮南厲王長子四人為列侯安為阜陵侯勃為安

為東城侯

十六年五月立齊悼惠王子六人安都王侯志為濟北王初侯

留川王平昌侯印為膠西

淮南厲王子三人阜陽侯安為淮南王安陽侯勃皆為王

景帝元年四月封元王寵子五人禮為平陸侯富為林侯歲為

沈猶侯王子侯表屬執為宛胸侯調為棘樂侯

二年三月立皇子德為河間王閼為臨江王餘為睢陽王非為

汝南王彭祖為廣川王發為長沙王發母唐姬故程姬侍者景

帝召程姬程姬有所避不願進謂月而飭侍者唐兒使夜進上

醉不知以為程姬而幸之遂有身已乃覺非程姬也及生子因

名曰發長沙王生乃發寤以其母微無寵故王早淫貧國

三年立皇子端為膠西王勝為中山王是年吳楚反膠西王苗

川濟南發兵應園齊孝王將閭急陰與三國通漢將樂布擊破
三國兵齊孝王懼飲藥自殺帝以為齊首善以迫劫有謀非其
罪也召立孝王太子壽是為懿王衡山王勃堅守無心吳楚破
來朝帝勞苦之南方卑涇徙王於齊北以褒之
七年十一月封故皇子越為廣川王寄為膠東王
五年五月立皇子舜為嘗山王封梁孝王子買為乘氏侯明為
桓邑侯

六年四月梁孝王薨竇太后泣極哀不食帝哀懼不知所為與
長公主計之迺分梁為五國盡立孝王子男五人為王

王桓邑侯明為濟川王彭離為濟東王定為山陽王不識為濟陰王

新刊監本冊府元龜卷第二百六十二

新刊監本冊府元龜卷第二百六十三

宗室部

封建第二

漢武帝元光五年正月封河間獻王子明為滋侯

六年七月封長沙定王子蒼為安誠侯成為宜春侯黨為勾容

候福為容陵候

九月封楚安王子成為杏山候不害為浮丘候

元朔元年十月封魯恭王子將節為廣戚候

十二月封江都易王子敢為丹陽候蒙之為盱眙候

正月封江都易王子胥行為胡敦候 為株陵候定國淮陵為

候

二月封梁恭王子仁為張梁王

五月封菑川懿王子代為龍丘候錯為劇原候高遂為懷昌候
賞為平望候始昌為陵象候寬為葛魁候胡為益都候疆為平
的候黑為劇魁候守為壽梁候行為平度候偃為宜城候奴為
臨朐候封城陽恭王弟稀為云候子吉為陳莞候壯為辟土候
六月封趙敬肅王子丙為尉文候胡陽為封斯候受福為榆丘
候建為襄晚候仁為邺會候義為朝節候遺為東城候蒼為陰
城候中山靖王子忠為廣望候朝平為將梁後未央為新館候
貞英為陸城候嘉為新處候

二年十月封廣川惠王子嘉為蒲領候明為西熊候晏為東疆
候嬰為畢梁候河間獻王子殷為旁光候旬為距陽候退為蔓

節候豫為阿武侯讓為蓋戶候禁為州卿候杞為平城候順為
廣平候讓為蓋胥候濟北貞王子不害為陰安候騫為榮閔候
何為周望候則為陪繆候信為前候前或樂為安陽候濟北式
王子矚丘為五捷候龍為富候遂為平候成為羽候楚為胡毋
候

正月封代恭王子綰為離石候順為邵候嘉為利昌候罷軍為
簡候賢為臨河候忠為隰成候郢客為士軍候遷為牟琅候遇
為千章候

三月封齊孝王子就為博陽王候魯恭王子恬為寧陽候政為
瑕丘候順為公丘候驕為都根候敬為西昌候中山靖王子義
為陸地候趙敬肅王子順為郎平候

四月封趙敬肅王子昌為武始侯賀為象氏侯平為易安侯
四年三月封長沙定王子童為路陵侯則為攸輿侯訢為荼陵
侯拾為建成侯月為安象侯善為葉平侯城陽恭王子嬰為利
鄉侯釘為有利侯慶為東平侯記為運平侯齒為山州侯福為
海嘗侯寬為騶丘侯貞為南城侯表為廣陵侯鼻為杜原侯
四月封中山靖王子光為樂臨侯章為東野侯喜為高平侯頗
為廣川侯河間獻王子擔為重侯齊孝王子燕為被陽侯越為
定敷侯定為稻夷侯國為山原侯忠為繁安侯陽已為柳亭侯
信為雲夷侯深為年平侯代為柴原侯

五年十一月封趙敬肅王子終右為栢暢侯延平為欽安侯
三月封中山靖王子將夜為乘丘侯破胡為高丘侯蓋為柳宿

侯讓為戎丘侯修為樊輿侯悛為道安侯長沙定王子義為夫
夷侯

六月封長沙定王賈為舂陵侯定為都梁侯狩為兆陽侯燕賢
為象陵侯

六年四月封衡山陽王子廣置為東終戈侯

元狩二年七月封膠東王寄少子慶為六安王

六年三月乙亥御史臣光守尚書令丞非下御史書到言丞相
臣青翟御史大夫臣湯太嘗臣充大令行臣息天子少傅臣光
安行宗正事昧死上言大司馬去病上疏曰陛下過聽使臣去
病待罪行間宜專邊塞之恩慮暴骸中野無以報乃敢惟他議
以干用事者誠見陛下憂勞天下哀憐百姓以自忘虧膳貶樂

損郎員皇子賴天能勝衣趨拜至今無號位師傳宮陛下恭讓
不卹郡臣私望不敢越職而言臣竊不勝犬馬之心昧死願陛
下詔有司因盛夏吉時定皇子位唯願陛下幸察制曰可下御
史臣謹以中二千石臣賀等議古者裂地立國並見諸侯以承
天下子所以尊宗廟重社稷也今臣去病上疏不忘其職因以
宣恩乃道天子卑讓自貶以勞天下慮皇子未有號位臣青翟
臣湯等昧死請立皇子臣閔一作臣旦臣昏為諸侯王昧死請
所立國名制曰蓋聞周封八百姬姓並列或子男附庸禮支子
不祭云並建諸侯所以重社稷朕無聞焉且天非為君生民也
朕之不德海內未洽乃以未教成者疆君連城即股肱何勸一作
一作規也其更議以列侯家之丙子奏未央宮丞相臣青翟御

史大夫臣湯昧死言臣謹以列侯臣嬰中二千石臣賀諫議大
夫博士臣安等議曰伏聞周封八百姬姓並列奉承天子康叔
以祖考顯而伯禽以周公立咸為建國諸侯以相傳為輔百官
奉憲諸侯各遵其職而國統脩矣竊以為並建諸侯以重社稷
者四海諸侯各以其職奉貢於天子不得奉於宗祖禮也封建
使守藩國帝王所以扶德施化陛下奉承天統明開聖緒尊賢
顯公興滅繼絕續蕭文終之後於薊褒厲群臣平津侯等昭六
親之序明天施之屬使諸侯王封君得推私恩分子弟戶邑錫
號尊建百有餘國而家皇子為列則尊卑相踰列國失序不可
以垂統於萬世臣請立臣閔臣旦臣昏為諸侯王三月丙子奏
未央宮制曰康叔親屬有十而獨尊者褒有德也周公祭天命

郊故魯有白牡駢剛之牲

魯祭周公用白牡魯公用駢剛赤脊周牲也

不毛

純色也

賢不肖差也高山仰之景行嚮之朕甚慕焉所以

抑未成家以列侯可臣青翟臣湯博士臣將行等伏聞康叔親

屬有十武王繼體周公輔成王其八人皆以祖考之尊建為大

國康叔之年幼周公在三公之位而伯禽據國於魯蓋爵命之

時未至成人康叔後扞祿父之難伯禽殄淮夷之亂昔五帝異

制周爵五等春秋三等

春秋變周之文從殷之爵合伯子男皆以為一則殷爵三等者公侯伯也

因時而序尊畢高皇帝撥亂世反諸正昭至德定海內封建諸

侯爵位二等皇子或在襁褓而立為諸侯王奉承天子為萬世

法則不可易陛下躬親仁義體行聖德表裏文武顯慈孝之行

廣賢能之路內褒有德外討疆暴極臨北海西徠月氏匈奴西

西域舉國奉師輿械之費不賦於民虛御府之藏以賞元戎開

禁倉以賑貧窮戍卒之半百蠻之君靡不嚮風承流稱意遠

方殊俗重譯而朝澤及方外故珍獸至嘉穀興天應甚彰今諸

侯支子封至諸侯王而家皇子為列辟臣青翟臣湯等竊伏熟

計之皆以為尊卑失序使天下失望不可臣請立臣閔臣旦臣

胥為諸侯王癸未奏未央宮留中不下丞相臣青翟大僕臣賀

行御史大夫事太常臣充太子少傅臣安國行宗正事昧死言

青翟等前奏大司馬臣去病上䟽言皇子未有號位臣謹與御

史大夫臣湯中二千石諫議大夫博士臣慶等昧死請立皇子

臣閔等為諸侯王陛下讓文武躬自切及皇子未教群臣之讓

儒者稱其術或諤其心陛下固辭不許家皇子為列侯臣青翟

儒者稱其術或諤其心陛下固辭不許家皇子為列侯臣青翟

等竊與列侯臣壽成壽成何之為太嘗也等二十七人議皆曰以

為卑尊失序高皇帝建天下為漢太祖王子孫廣支輔先帝法

則弗改所以宣至尊也臣請令史官擇吉具禮儀上御史奏與

地圖他皆如前故事制曰可丙申奏未央宮大僕臣賀行御史

大夫事昧死言太嘗臣充言卜入四月二十八日乙巳可立諸

侯王臣昧死奏輿地圖諸所立國名禮儀別奏臣昧死請制曰

立皇子闔為齊王旦為燕王胥為廣陵王四月丁酉奏未央宮

六年四月戊寅朔癸卯御史大夫湯下丞相下中二千石郡太

守諸侯相丞書從事下當用者如律令三王同日立皆賜策各

以國土風俗申戒焉齊懷王賜策曰惟元狩六年四月乙巳皇

帝使御史大夫湯廟立子闔為齊王曰嗚呼小子闔受茲青社

王者必五色土以之社封四方諸侯名朕承天序惟稽古法建

爾國家封於東土世為漢藩輔嗚呼念哉共朕之詔惟命不於

嘗人之好德克明顯光義之不圖卑君子息悉爾心允執其中

天祿永終厥有愆不歲迺凶於乃而害於爾躬嗚呼保國又

民可不敬與王其戒之王夫且立為王其母病武帝自臨問之

曰子然為王安所置之王夫人曰陛下在妾又何等可立者

帝曰然意所欲於何主之王夫人曰願置之唯陽武帝曰唯

陽有武庫教倉天下可王夫漢國之大都也先世以來無子王於

維陽去洛陽余盡可王夫人不慮武帝曰閩東之國無大於齊

於齊東負海而城郭大古時獨臨菑中十萬戶天下膏腴地莫盛

者拜曰皇帝謹使人為齊王太后燕刺王旦賜策曰嗚呼小子旦

明奉璧一賜夫人為齊王太后燕刺王旦賜策曰嗚呼小子旦

受茲立社建爾國家封於北土世為漢藩輔嗚呼薰鬻氏虐老

獸心以姦巧邊眊朕命將帥徂征厥罪萬夫長千夫長三十有

二師降旗奔師薰鬻徙城北州以悉妥爾心毋作怨毋作棊德棊古匪字也匪非也毋乃廢備非教士不得從徵正其戒之廣陵厲王昏賜策曰嗚呼小子昏受茲赤社建爾國家封於南土世為漢藩輔古人有言曰大江之南五湖之間其人輕心揚州保疆二代要服不及以正嗚呼悉爾心祇兢乃惠乃順毋同好逸毋爾宵人輕脫之貌相惟法惟則書云臣不作福不作威靡有後差王其戒之

元畧元年四月封城陽項王子昌為爽侯發為鉅合侯羗為昌侯方為簣侯澤為虜葭侯敢為原雒侯昆景為挾衍侯霸為挾釐侯讓為初侯光為文成侯雲為較靖侯餘為庸侯壽為翟侯慮為鱣侯疆為彭侯息為瓠侯禹為虛水侯類為東淮侯賢為拘侯不疑為涓侯

七月封菑川靖王子何為陸元侯國為廣饒侯成為鉞侯毋害為俞閭侯廣川膠王子聖為襄隄侯四年嘗山王勃廢月餘以最親詔有司嘗山憲王早天后安妾不知適孽誣爭陷於不義以滅國朕甚閔焉其封憲王子平三萬戶為真定王子商三萬戶泗水王

元封元年五月封膠東康王子建為臯虞侯昌為魏其侯延年為祝茲侯臣欽若等曰時武帝封齊孝王子為高乘侯失其名廣川惠王子則為參歌侯喜為寧波侯河間獻王子自為沈陽侯失年月

天漢四年六月封皇子壽為昌邑侯征和元年封趙敬肅王子樂為栗侯周舍為汶侯起為獠侯道

為榔裴候

臣欽若等曰時武帝又封趙敬肅王子寬為漳北候

為爰成候

失年月

二年三月封中靖王子屈釐為彭候

昭帝始元五年六月封六安恭王子霸為松茲候膠東辰王子

安國為溫水候魯安王子臨朝為蘭旗候方山為容丘候文德

為良成候

六年五月封清河綱王子祿為蒲領候遷為南曲候長沙頃王

子為高城候

元鳳五年十一月封中山康王子喜為城候廣川膠王子吉為

新市候

六年十一月封城陽惠王子仁為江陽王

宣帝本始元年七月詔立燕刺王太子建為廣陽王立廣陵王

胥少子弘為容王封廣陵厲王子聖為朝陽候曾為平曲候昌

為南利候燕刺王子賢為安定候

三年四月封廣川繆王子寬為東襄候

四年二月封中山康王子章為宣處候

四月封清河綱王子寅為修市候成為東昌候豹為新鄉候福

為修故候弘為東陽候

五月封燕刺王子慶為新昌候

地節三年四月封趙頃王子偃為邯菁候說為樂陽候廣漢為

桑中候嵩為張候河間獻王子雍為景成候招為平隄候佟為

樂鄉候贍為高郭候

四年二月封膠東戴王子光為樂望侯饒為成鄉侯強為柳泉
為高城侯
元康元年正月封長沙頃王子延年為復陽侯度為鍾武侯梁

二年三月封六安夷王子賜為富陽侯

四月封昌邑哀王子賀為海昏侯

七月封平于頃王子敬為曲梁侯

三年四月立皇子欽為淮陽王

四年三月封貞定烈王子宣為遽鄉侯

神爵元年四月封膠東戴王子偃為新利侯

三年四月封廣川繆王子強為樂信侯元為昌成侯

七月封平江頃王子明為廣鄉侯慶為成鄉侯

四年三月封平于頃王子世為平利侯玉為乎鄉侯梁為平纂

侯充為成陵侯廣川戴王子闢兵為西梁侯

七月封廣川膠王子必勝為歷鄉侯平于頃王子田為陽城侯

五鳳元年四月封平于頃王子仁為祚陽侯

七月封廣川繆王子朝為武陶侯

十二月封河間孝王子昌為陽興侯

甘露元年三月封中山頃王子安為利鄉侯

二年正月立皇子囂為定陶侯

七月封趙頃王子景為都鄉侯

九月立皇子宇為東平侯

四年二月封魯孝王子弘為昌慮候

閏月封魯孝王子敞為平邑候綰為山鄉候遂為建陵候平為合陽候強為東安候當為城鄉候成為建陽候

十一月封城惠王子休為高鄉候城陽荒王子弘為茲鄉候顯為籍陽候丘為都平候山為粵原候文為箕候勲為高廣候俊為即來候

元帝初元元年三月封高密哀王子漢為膠鄉候廣川繆王子良為桃候長沙孝王子習為安平候宗為山陽候城陽荒王子談為庸候光為昆山候根為折泉候淵為博石候勝為要安候勇為房山候憲為式候

五年六月封廣陽頃王子雲為陵候鄉容為西鄉候

永光三年三月立皇子康為濟南王是月封廣陽頃王子嬰為益昌候繆東頃王子回為佯石候理為石鄉候根為新城候欽為上鄉候泗水勤王子定為千鄉候璋就鄉候城陽戴王子玄為石山候音為都陽候嗣為參封候遷為伊鄉候

五年三月封廣陽厲王子豐為襄平候

建昭元年五月封梁敬王子平為貫鄉候義為樂候延年為中鄉候罷軍為鄭候順為黃候遷為平樂候就為菑鄉候方為東鄉候訢為陵鄉候欽為溧陽候固為釐鄉候發為高柴候未央為臨都候舜為高贇候

二年六月立皇子與為信都王陽朔二年徙為中山王也

四年六月封菑川孝王子譚為北鄉候

五年十二月封廣陵孝王子宜為蘭陵侯德為廣平侯

竟寧元年四月封六安繆王子交為博鄉侯趙哀王子買為相鄉侯嘉為安鄉侯菑川孝王子便為廣螯侯服為平節侯

成帝建始二年正月封膠東頃王子憲為昌鄉侯恭為順陽侯獲為樂陽侯邑為平城侯林為密鄉侯訢為樂東侯高密頃王子都為卑梁侯恁為膠陽侯慶為武鄉侯安為成鄉侯賜為麗茲侯河間孝王子強為竇梁侯

河平三年二月封楚孝王子勲為廣戚侯

陽朔二年正月封楚孝王子回為陰平侯

閏六月封淮陽憲王子訢為樂平侯

四年四月封魯頃王子閔為部鄉侯康為建鄉侯

鴻嘉元年正月封高密頃王子嘗為安丘侯

四月封東平思王子護為栗鄉侯頃為桑丘侯

二年正月封東平思王子宣為桃鄉侯

五月封魯頃王子永為新陽侯

四年六月封膠東恭王子慶為陵石侯

永始二年五月封梁夷王子賢為祚鄉侯

三年三月封東平思王子萌為富陽侯

六月封梁荒王子鳳為曲鄉侯

四年五月封城陽孝王子欽為桃鄉侯

是月封泗水戾王子霸為昌陽侯膠東恭王子閔為臨安侯

元延元年二月封膠東恭王子映為徐鄉侯

二年正月封菑川孝王子昉為臺鄉侯
四月封東平思王子並為西陽侯
綏和元年正月封膠東恭王子恢為堂鄉侯

六月封趙恭王子吉為安國侯交為梁鄉侯福為襄鄉侯強為容鄉侯固為蘊鄉侯河間孝王子賀為廣昌侯普為都安侯永為樂平侯廣陽惠王子嘗得為方鄉侯

是年七月封六安頃王子宰為庸鄉侯

哀帝建平二年五月封河間惠王子宇為南昌侯東平煬王子信為嚴為鄉侯璜為武平侯

四年三月封楚思王子曾為陵鄉侯授為武安侯

五月封長沙王子昌為湘鄉侯

元壽元年五月封廣陽繆王子繆嘉為方樂侯

二年四月封河間孝王子得為宣禾侯玄為富春侯

平帝元始元年二月封東平煬王子恢為桃鄉侯褒為登鄉侯

旦為昌鄉侯鯉為新鄉侯楚思王子光為部鄉侯武為新城侯

豐為宜陵侯護為堂鄉侯繇為成陵侯象為成陽侯休為復昌

侯平為安陸侯譽為梧安侯充為朝鄉侯普為扶鄉侯淮陽憲

王孫並為高陽侯寵為平陸侯東平思王子不害為金鄉侯旦

為平通侯昌為西安侯開為湖鄉侯少為重鄉侯寄生為陽興

侯嘉為陵陽侯修為高樂侯閔為平邑侯况為平纂侯輔為合

昌侯開為伊鄉侯不害為就鄉侯武為膠鄉侯恢為宜鄉侯豈

為昌城侯禹為樂安侯

臣欽若等曰東平思王孫內名開及不害者各有二人必有一誤

二年四月封廣陽繆王子宣為方城侯廣思王子益為當陽侯
建為廣城侯東平煬王子光為春城侯

五年閏月封長沙刺王子賞為昭陽侯景為承陽侯貞定王子
廣為信昌侯楚思王子尚為呂鄉侯殷為李鄉侯隆為宛鄉侯
承為壽泉侯遵為杏山侯

後漢光武建武二年四月封叔父良為廣陽王九子章為太原

王兄續章弟興為魯王春陵侯敬子祉為城陽王敬光也

五月封更始元氏王歙為泗水王歙光武族父歙子侍中終為淄川

王故貞定王楊子德為貞定王是歲封族兄賜為慎侯順為成

武侯順叔父弘子敏為甘泉侯國為弋陽侯泗水王歙從父弟

茂為中山王茂漢兵之起自稱厭新將軍攻下潁正為宜春侯

五年徙廣陽王良為趙王

十年封泗水王歙子輝為堂谿侯淄川王終子鳳為曲陽侯

十三年封族兄嘉為順陽侯城陽恭王祉子平為蔡陽侯堅為

高鄉侯徙慎侯賜為安城侯又封順陽侯嘉子唐為黃孝侯更

封中山王茂為穰侯

十五年三月以大司馬吳漢上書請封皇子不許重奏連歲乃

詔群臣議大司空融固始侯通膠東侯復高密侯禹太嘗登等

奏議曰古者封建諸侯以藩屏京師周封八百同姓諸姬並為

建國夾輔王室尊事天子享國永長為後世法故詩云大啓爾

宇為周室輔高祖聖德光有天下亦務親親封立兄弟諸子不

違舊章陛下德橫天地興復宗統褒德賞勳親睦九族功臣宗

室咸蒙封爵多受廣地或連屬縣今皇子賴天能勝衣趨拜陛下恭謙克讓抑而未議羣臣百姓莫不失望宜因盛夏吉時定號位以廣藩輔明親親尊宗廟重社稷應古合舊壓塞衆心且請大司空上輿地圖太嘗擇吉日具禮儀制曰可四月戊申以太牢告祠宗廟丁巳使大司空融告廟封皇子輔為右翊公英為楚公陽為東海公康為濟南公蒼為東平公延為淮陽公荆為山陽公衡為臨淮公焉為左翊公京為琅邪公是年徙兄太原王章為齊王

十七年十月進皇子右翊公輔為中山王食嘗山郡其餘九國公皆即舊封建爵為王

十九年六月詔曰春秋之義立子以貴東海王陽皇后之子宜承大統皇太子疆崇執謙退願備藩國父子之情重以違之其以疆為東海王

二十年六月徙封中山王輔為沛王

二十八年徙魯王興為北海王

三十年四月徙左翊王焉為中山王是年封趙節王栩三子為鄉亭候齊哀王章子張為下博候北海王子復為臨邑候又封安城候子嵩為白牛候

中元二年封沛王輔子寶為沛候魯王興二子為縣候濟南王康子德為東武成候

明帝永平元年封沛王輔子嘉為僮候東平王蒼子二人為縣候

三年四月封皇子建為千乘王羨為廣平王

七年徙廣平王羨為西平王

八年封阜陵質王魴弟十二人為鄉亭候

十年封成武侯順弟子三人為鄉亭候

十一年遣使手詔東平王蒼國中傳曰日者問東平王處家何

等最樂王言為善最樂其言甚大副是要腹矣今送列侯印十

九枚諸王子年五歲已上能趨拜者皆令帶之

十四年封廣陵王思子元壽為廣陵侯服王璽綬食荆故國又

封元壽弟三人鄉亭候

十五年四月封皇子恭為鉅鹿王黨為樂成王衍為下邳王暢

為汝南王昞為嘗山王長為濟陰王

十六年七月淮陽王延徙封阜陵王

十八年徙西平王羨為陳王是年封北海王基二弟為縣候二

弟為鄉候

章帝建初二年封楚王英子楚种後徙封陸候五弟皆為列候並不

得置相臣吏人又封趙王栩十子為鄉亭候

四年二月徙鉅鹿王恭為江陵王汝南王暢為梁王嘗山王昞

為淮陽王封皇子伉為千乘王全為平春王

七年六月廢皇子太慶為清河王徙廣平王羨為西平王封琅

邪夷王字弟十三人為列候

和元年四月分東平國封憲王蒼子尚為任城王餘五人為

列候是年封琅邪孝王孫二人為列候

二年五月徙江陵王恭為六安王是年封沛釐王定弟十二人鄉侯

章和二年徙封六安王恭為彭城王

和帝永元二年五月分太山為濟北國分樂郡城涿郡渤海為河間國封皇弟壽為濟北王開為河間淑為城陽王

三年封趙王相三子為亭侯

四年封中山王憲弟十二人為列侯

五年正月封皇弟萬歲為廣宗王

八年封阜陵王魴弟十二人為鄉亭侯

十年封東平憲王蒼孫梁為矜陽亭侯孝王敞弟六人為列侯

十一年封濟南簡王錯弟七人為列侯

十二年封陳王鈞六弟為列侯

蕃為陽都鄉侯千秋為新西平

實為博平侯旦為高亭侯

十四年封任城王安母弟福為桃鄉侯

十六年封東海頃王肅弟二十一人為侯梁恭王堅弟二人為

鄉亭侯

元興元年封趙頃王商四子為鄉亭侯沛王正弟十一人為縣侯
瑒帝延平元年封和帝長子勝為平原王

安帝永初元年二月清河國封清河孝王慶弟常保為廣川王
是年封琅邪恭王壽弟八人為列侯

二年封淮南孝王香四人為列侯

三年封樂安王寵子延平為清河王

四年封任城王安弟元為當塗鄉候
六年封彭城王恭子阿奴為竹邑候

七年封陳敬王孫安國為耕亭候

元初五年封陳考王道弟三人為鄉亭候

丙為都鄉候國為安鄉候丁為魯鄉候

趙惠王乾二弟為鄉亭候

永寧元年封濟北節王登弟五人為鄉候皆別食太出邑又封

中山孝王弘弟為鄉亭候

延元元年封河間王開子得為安平王

二年封琅邪王貞尊弟四人為鄉亭候

三年封阜陵王恢兄弟五人為鄉亭候北海王睦少子為鄉亭

候

順帝永建元年封下邳貞王成兄弟二人及惠王衍孫二人皆為列候

二年封梁懷王正兄弟七人為鄉亭候東海孝王臻二弟敏儉

為鄉候淮王儀兄二人為鄉亭候

五年封濟南王廣弟文為樂城候

陽嘉元年封河間惠王政弟十三人皆為亭候下邳慈王意弟

八人為鄉候亭

永和四年立戰鄉候安國為濟北王

五年封琅邪安王掇弟三人為鄉亭候

六年封中山穆王暢弟荆為南鄉候

質本初元年封彭城頃王定兄弟九人及趙惠王乾一子濟北

孝王次弟猛皆為鄉亭候

弘農王光熹元年封淮陽節王豹兄四人為鄉亭候獻帝建安

十六年九月庚戌立皇太子熙為濟陰王懿為山陽王邈為濟

北王敦為東海王

十八年徙封趙王珪為博陵王

魏樂城候洪太祖從弟漢末封國明亭候文帝即位進封野王
候邑二千一百戶明帝時更封樂候

長平候休太祖族子文帝即王位封東陽亭候黃初中進封安

陽候鄉明帝時更封長平邵陵候貞太祖族子漢末封靈壽亭

候文帝即位進封東鄉候明帝時更封貞薨五子義訓則彥暄

弟彬皆為列候

任城王彰太祖子漢末封鄆陽候黃初二年進爵為公三年立

為任城王彰薨子楷嗣徙封中牟五年改封任城縣大和六年

復改封任城國食五縣二千五百戶

陳思王植太祖子漢末封平原候又徙封臨菑候黃初二年除

徙封鄆城候三年立為鄆城王邑二千五百戶四年徙封雍丘

王太和元年徙封浚儀二年復還雍丘三年徙封東阿太和五

年冬詔諸王朝六年正月其年二月以陳四縣封植為陳王食

邑三千五百戶

彭城王據太祖子末漢封范陽候又徙封宛候黃初二進年爵

為公三年為彰陵王其年徙封儀陽文帝以南方下濕又以環

太妃彭城人徙封彭城又徙封濟陰時改封諸王為縣王據改

封定陶縣太和六年改封諸王皆以郡為國據復封彭城王景
初正元中累增邑并前四千六百戶

燕王宇太祖子漢末封都鄉侯又改封魯陽侯黃初二年進爵
為公三年為下邳王五年改封單父縣王太和六年改封燕王
景初正元中累增邑并前五千五百戶

沛穆王林太祖子漢末封饒陽又徙封譙黃初二年進爵為公
三年為譙王五年改封譙縣七年徙封鄆城太和六年改封沛
景初正元中累增邑并前四千七百戶

中山恭王衮太祖子漢末封平鄉侯又徙封東鄉侯其年又改
封贊候黃初二年進爵為公三年為北海王六年改封中山景
初正元景元中累增邑并前三千四百戶

陳留恭王峻太祖子漢末封郟侯又徙封襄邑黃初二年進爵
為公三年為陳留王五年改封襄邑縣太和六年又封陳留景
初正元景元中累增邑并前四千七百戶

趙王幹太祖子漢末封高平亭侯又徙封賴亭侯其年改封弘
農侯黃初二年進爵徙封燕公三年為河間王五年改封樂城
縣七年徙封鉅鹿太和六年改封趙王景初正元景元中累增
邑并前五千戶

楚王彪太祖子漢末封壽春侯黃初二年進爵徙汝陽公三年
封弋陽王其年徙封吳王五年改封壽春縣七年徙封白馬太
和六年改封楚

樂陵王茂太祖子漢末封萬歲亭侯改封平輿侯黃初三年進

爵徙封乘氏公七年徙封中山太和元年徙封聊城公其年為
王詔曰昔象之為虐至甚而太舜猶侯之有庠近漢氏淮南阜
陵皆為亂臣逆子而猶或及身而復國或至此而錫土有虞建
之於上古漢文明章行之乎前代斯皆敷叙親親之厚義也聊
城公茂少不閑禮教長不務善道先帝以為古之立諸侯也皆
命賢者故姬姓有未必侯者是以獨不王茂太皇太后數以為
言始聞茂頃來頃知悔昔之非欲修善將來君子與其進不保
其往也今封茂為聊城王以慰太皇太后下流之念正始五年
徙封樂陵嘉平正元中累增邑并前五千戶
北海悼王蕤文帝子黃初七年明帝即位立為陽平縣王太和
六年改封北海正元景元中累增邑三千五百戶

東武楊懷王鑒文帝子黃初六年立

東海定王霖文帝子黃初三年立為河東王六年改封館陶縣

太和六年改封東海初正元景元中累增邑并前六千二百戶

元城哀王禮文帝子黃初二年封秦公以京兆郡為國三年改

為京兆王六年改封元城王景初正元景元中累增邑并前四

千五百戶

邯鄲懷王邕文帝子黃初二年封淮南公以九江都為國三年

進為淮南王四年改封陳六年改封邯鄲景初正元景元中累

增邑并前四千四百戶

清河悼王貢廣平哀王儼並文帝子黃初三年封

明帝以黃初七年即位立皇子周為清河王

太和三年九月立皇子穆為繁陽王

青龍三年八月立皇子詢為秦王

蜀北陵王永字公受先主子章武元年六月使司徒靖許靖立

永為魯王策曰少子永受茲青土朕承天序統繼大業遵修稽

古建爾國家封于東土奄有龜蒙世為藩輔嗚呼恭朕之詔惟

彼魯邦一變適道風化存焉人之好德茲懿美王其乘心率禮

綏爾士民是饗是宜其戒之哉建封八年改封甘陵

安平王理字奉先先主子興永異母章武元年六月使司徒靖

立理為梁王策曰小子理朕統承漢序祇順天命遵修典秩建

爾于東為漢藩輔惟彼梁土畿甸之邦民狎發化易遵以禮往

悉乃心懷保黎庶以永爾國王其敬之哉建興八年改封安平

後主延熙元年立子瑤為安定王

十五年立子琮為西河王

十九年立子瓚為新平王

景耀二年六月立子諶為北地王恂為新興王虔為上黨王

吳太帝黃武五年封從父弟英為沙羨侯

七年三月封子慮為建昌侯

赤烏五年八月立子霸為魯王

大元二年正月立故太子為和南陽王和赤烏五年立為皇太子後被廢至是封爵

居長沙子奮為齊王居武昌

廢帝五鳳中封魯王霸子甚為吳侯壹為宛陵侯

景帝永安元年十一月封太子和子德錢唐侯謙永安侯

後主皓元興元年十月封景帝太子暉為豫章王次子汝南王
次子梁王次子陳王臣欽若等曰按吳志休四子長名暉字簡次名黨字彛次名鉅字品次名魁字發

建衛元年正月立淮陽東平王
鳳凰二年九月改封淮陽為魯東平為齊又封陳留章陵等九
王凡十一王王給三千兵

天紀二年七月立成紀宣威等十一王王給三千兵四年春立
中山代等十一王

新刊監本冊府元龜卷第二百六十三

新刊監本冊府元龜卷第二百六十四

宗室部三

封建第三

晉武帝泰始元年十二月即位封皇叔祖父孚為安平王皇叔
父幹為平原王亮為扶風王佃為東莞王駿為汝陰王彤為梁
王倫為琅邪王皇弟攸為齊王鑿為樂安王幾為燕王皇從伯
父望為義陽王皇從叔父輔為渤海王冕為下邳王環為太原
王珪為高陽王衡為嘗山王子又為沛王泰為隴西王權為彭
城王綏為范陽王遂為濟南王遜為譙王睦為中山王陵為北
海王斌為陳王皇從父允洪為河間王皇從父弟琳為東平王
六年十一月立皇子東為汝南王

七年五月立皇子憲為城陽王
九年二月立皇子祗為東海王
十年十二月立太原王緝為高陽王
咸寧三年正月立皇子裕為始平王
八月徙扶風王亮為汝南王東莞王佃為琅邪王汝陰王駿扶
風王琅邪王倫為趙王渤海王輔為太原王太原王顥為河間
王北海王陵為任城王陳王斌為西河王汝南王東為南陽王
濟南王耽為中山王河間王威為章武王立皇子璋為始平王
允為濮陽王該為新都王遐為清河王
九月立齊王子蕤為遼東王贇為廣漢王
太康元年八月封皇弟延祚為樂平王詔曰弟祚早孤無識情

所哀愍幼得篤疾日冀其瘥今遂廢痼無復後望意甚傷之封
為樂平王使有名號以慰吾心

四月二月立長樂亭侯寔為北海王

五年二月立南宮王子玷為樂長王

九年十二月立河間王洪子英為章武王

十年十一月改封南陽王東為秦王始平王璋為楚王濮陽王

允為淮南王並假節之國各統方州軍事立皇子義為長沙王

穎為城都王晏為吳王熾為豫章王皇孫適為廣陵王立濮陽

王子迪為漢王始平王子儀為毗陵汝南王次子義為西陽公

徙扶風王暢為順陽王暢弟歆為新野公琅邪王覲弟澹為東

安公灌為廣陵公卷為東莞公

惠帝永平元年三月進封東安公繇爵為王八月徙長沙王義
為嘗山王進西陽公柔爵為王
永康元年五月立皇孫尚為襄陽王
永寧元年七月立吳王晏子國為漢王八月徙南平王祥為宜
都王九月封楚王瑋子範為襄陽王十二月封齊王固子冰為
安王英為濟陽王超為淮南王
永興二年四月封樂平王紹為齊王
光熙元年九月進東嬴公騰爵為東燕王平昌侯模為南陽王
懷帝以光熙元年十一月即位十二月封彭城王植子融為樂
城縣王
永嘉元年三月改封東燕王騰為新蔡王

二年十二月立長沙王義子碩為長沙王斟為臨淮王
元帝建武元年封王子宣成公裒為琅邪王
十一月封汝南王子弼為新蔡王
大興元年十二月封顓義停候渙為琅邪王
成帝咸和元年十二月封皇弟岳為吳王
二年十二月徙封吳王岳為琅邪王
五年九月徙樂成王欽為河間王封彭城王絃子浚為高密王
六年六月封彭城王植子融為樂成王章武王混子珍為章武
王
康帝以咸康八年六月即位封成帝子丕為琅邪王奕為東海
王

哀帝升平五年五月自琅邪王八即位詔曰朕獲承明命入纂
大統顧惟先王宗廟蒸嘗無主大妃喪庭廓然靡寄悲痛感摧
五內抽割宗國之尊情禮兼隆裔嗣之重義無與二東海王奕
戚屬親近宜奉本統其以奕為琅邪王

宋長沙景王道憐高祖中弟進封竟陵縣公高祖受命封長沙
王食邑五千戶道憐子桂楊縣侯義融永初元年封凡王子侯者食邑皆

千戶

義融弟興安縣侯義賓元嘉二年封新野縣侯六年以新野荒
弊改封興安

義賓弟營道縣侯義恭元嘉六年封

營浦侯遵考高祖族弟晉末為冠軍將軍高祖初即位下推恩

之詔曰遵考服屬之親國戚未遠宗室無多宜蒙寵爵可封營

浦縣侯食邑五百戶

廬陵孝獻王義真高祖子晉末封桂陽縣公食邑五百戶永初

元年封廬陵王食邑三千戶

彭城王義康高祖子永初元年封食邑三千戶

江夏文獻王義恭高祖子元嘉元年封食邑五千戶孝武即位祚

增封二千戶孝建元年又增封一千戶

衡陽王義季高祖子元嘉元年封衡陽王食邑五千戶

南陽王義宣高祖子元嘉元年封竟陵王食邑五千戶九年以

竟陵群蠻克斥役刻民數改封南譙王孝武即位改封南郡王

食邑萬戶

始興王濬文帝第二子元嘉十三年封

南平穆王鑠字休立文帝第四子元嘉十六年封鑠第二子敬

淵封安南縣侯

竟陵王誕字子休文帝第六子元嘉二十年封廣陵王食邑二

千戶年十一二十六年以廣陵彫弊改封隋郡王孝武孝建初

改封竟陵王食邑五千戶

建平宣簡王宏字休度文帝第七子元嘉二十一年年十一封

建平王食邑二千戶

廬江王禕字休秀文帝第八子元嘉二十二年始十歲封東海

王食邑二千戶大明五年增一千戶明帝踐祚改封廬江

晉熙王泉字休道文帝第九子元嘉二十二年始十歲封義陽

王食邑二千戶秦始三年改封晉熙

武昌王渾字休淵文帝第十子元嘉二十四年始九歲封汝陰

王食邑二千戶後魏南侵破汝陰郡徙為武昌王

始安王休仁文帝第十二子元嘉二十九年十歲立為建安王

食邑二千戶明帝即位後降封始安縣王晉平王休祐文帝第

十三子孝建二年十一封山陽王食邑二千戶明帝即位以山

陽荒弊改封晉平海陵王休茂文帝第十四子孝建二年十一

封食邑二千戶大明二年增食邑千戶

鄱陽王休業文帝第十五子孝建二年年十一封食邑二千戶

臨慶王休倩文帝十六子孝建元年年九歲疾篤封東平王食

邑二千戶未薨太始六年追改為臨慶王以臨賀郡為臨慶國

桂陽王休範文帝第十八子孝建二年年九歲封順陽王食邑二千戶大明元年改封桂陽

巴陵王休若文帝第十九子孝建三年九歲封巴陵王食邑二千戶豫章王子尚字孝帥孝武第二子孝建二年年五歲封西

陽王食邑二千戶五年改封豫章
晉安王子勛字孝德孝武第二子大明四年年五歲封食邑二

千戶
尋陽王子房字孝良孝武第六子大明四年年五歲封食邑二

千戶
臨海王子頊字孝烈孝武第七子大明四年年五歲封歷陽王

食邑二千戶五年改封戶邑如先

新安王子鸞字孝羽孝武第八子大明四年年五歲封襄陽王

食邑二千戶其年改封戶邑如先

永嘉王子仁字孝蘇孝武帝第九子大明五年年五歲封食邑

二千戶
始安王子貞字孝武貞孝第十一子大明五年年五歲封食邑

二千戶
邵陵王子元字孝善孝武第十三子大明六年年五歲封食邑

二千戶
淮南王子孟字孝光孝武第十六子大明七年年六歲封食邑
二千戶文帝改豫章之南梁郡為淮南國罷南豫州之地并宣城前廢帝即位二郡並復舊

晉陵孝王子雲字孝舉孝武第十九子大明六年年四歲封食邑二千戶未拜薨
南海哀王子師字孝友孝武第十二子大明七年四歲封食一千戶

熙晉王奕明帝子泰始六年封二千六百五十五歲封食邑邵陵瑒王友明帝第七子元徽二年年五歲封食邑二千戶
武陵王贊字仲敷明帝第九子泰始六年生其年詔曰世祖孝武皇帝雖恃尊墮惠勲狹政弛樂飲無厭事因於寧泰任威縱費義緣於務寡故以積愁動天流殃息嗣景和肇譽義嘉成禍世祖繼體陷憲無遺昔皇家中圯含生懼滅賴英孝感舊掃雪寃耻勲績墜歷拯茲窮氓繼絕追遠禮訓攸尚况既帝且况而

缺斯典今以第九子智隨奉世祖為子武陵郡大明之世事均代邦可封智隨武陵王食邑五千戶尋世祖一門女累不少既無釐摠義須防閑諸侯雖不得祖稱天子而事有一家之切且歸寧有所疹疾相營得失是任閨房有稟朕慮天在位思深九族庶此足申追睦之懷敷受之旨

隋陽王翹字仲儀明帝第十九子元徽四年年六歲封南陽王食邑二千戶昇平明二年以南陽荒遠改封隋陽
新興王嵩字仲岳明帝第十一子元徽四年年六歲封食邑二千戶

始建王禧字仲明帝第十三子元徽四年年五歲封食邑二千戶

始平王延年建平王景素子泰始二年封新安王三年改封始平

廬陵王德副桂陽王休範第二子泰始三年封

南封王銑侍中韞第二子泰始三年封

江夏王伯獻建安王休仁第二子泰始三年封

始平王延之長沙王纂子泰始五年封

南平王宣曜晉平王休祐子泰始五年封

南齊豫章王嶷太祖第二子建元元年封嶷十六子子廣初封永新侯後襲王爵子

恪南康侯子操泉陵侯子行北陽侯子光宜陽侯子範祁陽侯子顓寧都侯子雲新浦侯餘闕

臨川王映太祖第三子建元元年封凡九子游封州侯餘闕

長沙王冕太祖第四子建元元年封

武陵王曄太祖第五子建元元年封曄子坦永泰元年封衡陽王

安城王暕太祖第六子建元元年封

鄱陽王鏘太祖第七子建元元年封

桂陽王鐸太祖第八子建元元年封

始興王鑑太祖第十子建元元年封廣興王後國隨郡改名

江夏王鋒太祖第十一子建元三年封

南平王銳太祖第十五子永明元年封

宜都王謚太祖第十六子永明元年封

晉熙王鈺太祖第十八子永明四年封

河都王鉉太祖第十九子永明四年封

安陸侯緬太祖次兄始安貞王道生第三子建元元年封安陸

侯食邑千戶
江陵公竇覽編子建武元年封邑一千五百戶

霄城公竇宏編子建武元年封汝南公邑一千五百戶三年改封

曲江公遙欣緬允鳳子建武元年封聞善縣公遷荊州勅史改封

遙欣弟豐城縣公遙昌建武元年封千五百五戶

新吳縣侯景先太祖從子建武元年封新吳縣伯邑五百戶武

帝即位進爵為侯

南豐伯赤斧太祖從祖弟宋末封永安亭侯食邑三百七十戶

武帝親遇與景先相比封豐縣伯邑四百戶

衛陽郡公謀於太祖為服族子宋昇明帝中為武帝中軍刑獄

參軍東莞太守以勲勤封安安復縣男三百戶男海陵王立進

爵為公建武元年進爵衛陽郡公

臨汝縣公坦之太祖絕服族子隆昌元年追錄父勲封臨縣汝

男建武元年進爵為侯倣節討始安王進光平進爵為公

巴陵王昭秀文惠太子長懋第三子永明中封曲江公邑千五

百戶鬱林即位封臨海郡王二千戶建武二年通直嘗侍庾曇

隆啓曰周定錐邑天子置畿內之民漢都咸陽三輔為社稷之

衛中晉南遷事移威弛近郡名邦多有國食宋武創業依擬古

典神州郡內不復別封而孝武末年分樹寵子苟申私愛有乖

訓典惟隆昌之元特開母弟之貴竊謂非古聖明御寓禮舊為

先畿內限斷宜遵昔制賜第授土一出於外州詔付尚書詳議其父改封昭秀為巴陵王

桂陽王昭粲太子第四子鬱林王立封永嘉郡王建武二年改封桂陽王

竟陵王子良武帝第二子建元元年封聞善縣公邑千五百戶

武帝即位封景陵王邑二千戶

廬陵王子卿武陵帝第三子建元元年封臨汝縣公千五百戶

武帝即位封廬陵王

巴東郡侯子響武帝第四子初豫章王嶷養為後永明六年有

司奏子響體自聖明出繼宗國大司馬臣時殿為大司馬在昔未有嗣

息所以因心鞠養陛下弘天倫之愛臣荷深猶子之恩遂乃繼

體扶疎世祚垂改芽蔭蔚家嗣莫移誠欣敦睦之風實虧立

嫡之教臣等參議子響宜還本乃封巴東郡王

安陸王子敬武帝第五子初封應城縣公武帝即位封安陸王

晉安王子懋武帝第七子初封江陵公武帝即位封晉安王

隋郡王子隆武帝第八子初封授江公武帝即位封隋郡王

建平王子貞武帝第九子武帝即位封

西陽王子明武帝第十子永明元年封武昌王三年復國璽改

封西陽王

南海王子罕武帝第十一子永明元年封

巴陵王子倫武帝第十三子永明二年封

邵陵王子貞武帝第十四子永明四年封

臨賀王子岳武帝第十六子永明七年封

西陽王子文武帝第十七子永明七年封蜀郡王建武中改封

西陽王武帝第十七子

衡陽王子峻武帝第十八子永明七年封廣漢王建武中改封

衡陽王武帝第十七子

南康王子琳武帝第十九子永明七年封宣成王明年改南康

王武帝第十九子

永安王子珉武帝第二十子永明七年封義安王後改永安安

陽作

湘東王子建武帝第二十一子永明八年封

南郡王子夏武帝第二十三子

臣欽若等曰以後無

晉安王寶義明帝長子建武元年封

江夏王寶玄明明帝第三子建武元年封

廬陵王寶源明帝第五子建武元年封

鄱陽王寶寅明帝第六子建武初封建安郡王和帝立宣德太

后臨朝梁王為建安公改封寶寅為鄱陽王

邵陵王寶攸明帝第九子建武元年封南平王郡二年改封邵

陵王

晉熙王寶嵩明帝第十子

桂陽王寶貞明帝第十一子

梁臨川靜惠王宏太祖第六子也武帝踐祚天監元年封臨川

郡王食邑二千戶

宏子正義平樂侯正德西豐侯後封臨賀郡王正則樂山侯正立羅平侯正表封山侯正

信武
化侯

安成王秀太祖第七子天監元年封食邑二千戶

南平王偉太祖第八子天監元年封建安郡食邑二千戶十七

年以建安王齊改封

鄱陽王恢太祖第九子天監元年封食邑二千戶

始興王憺太祖第十子天監元年封食邑二千戶

西昌縣侯藻武帝長兄懿天監元年封食邑五千戶

吳平縣侯景武從父弟天監元年封食邑千戶

景弟湘陰侯昴大通二年封邑一千戶

豫章王綜武帝第二子天監三年封食邑三千戶

南康王績武帝第四子天監八年封邑二千戶

廬陵王績武帝第五子天監八年封邑二千戶

邵陵王綸武帝第六子天監十三年封邑二千戶

綸子汝南侯
堅大通元年

封邑五百戶堅弟永安侯確大通二年
封為正階侯邑五百戶後徙封永安

武陵王紀武帝第八子天監十三年封邑二千戶

河東王譽字重孫昭明太子統第二子普通二年封枝江縣公

大通三年改封邑二千戶

武昌郡王警昭明太子大同三年封

義陽郡王警昭明太子大同三年封

豫章郡王警昭明太子子初封華容公中大通三年改封

潯陽王大心簡文帝第二子中大通四年以皇孫封當陽公邑

千五百戶大寶元年改封邑二千戶

臨川王大欵簡文帝三年初封江夏郡王大寶元年改封

南海王大臨文帝第四子大通二年封寧國縣公邑一千五百

戶大寶元年改封邑二千戶

南郡王大連簡文帝第五子大通二年封臨城縣公邑一千五

百戶大寶元年改封邑二千戶

安陸王大春簡文帝第六子大同六年封西豐縣公邑一千五

百戶大寶元年改封邑二千戶

桂陽王大成簡文帝第八子即位初封山陽郡王大寶元年改

封

汝南王大封簡文帝第九子即位初封宜都邑王大寶元年改

封

瀏陽王大雅簡文帝第十二子大通九年封邑一千五百戶

新興王大莊簡文帝第十三子大通九年封高唐縣邑一千五

百戶大寶元年封邑二千戶

西陽王大鈞簡文帝第十四子大寶元年封邑二千戶

武寧王大威簡文帝第十五子大寶元年封邑二千戶

逮平王大球簡文帝第十七子大寶元年封邑二千戶

義安王大昕簡文帝第十八子大寶元年封邑二千戶

綏建王大摯簡文帝第十九子大寶元年封邑二千戶

樂梁王大圜簡文帝第二十子大寶元年封邑二千戶

始安王方畧元帝第十子承聖元年封

陳永修縣侯擬高祖疎屬也高祖踐祚與鍾陵侯褒等十人同

封詔曰維城宗子實固有周盤石懿親用隆大漢故會盟則異
姓為後啟土則非劉勿王所以糾合之幹廣樹藩屏前王懋典
則列代嘗規從子特節員外散騎嘗侍明威將軍雍州刺史監
南徐州擬持節通直散騎侍郎貞威將軍北徐州刺史褒從子
冕昭從孫假節員外散騎嘗侍明威將軍諄假節信威將軍北
徐州刺史吉陽縣開國候諲假節通直散騎嘗侍郎信武將軍
祐假節散騎侍郎雄信將軍青州刺史廣梁太守詳貞威將軍
通直散騎侍郎惠紀敬雅恭泰並授威密近勛勞王室宜列河
山以光封建擬可永修縣開國候諄度化縣開國候冕建城縣
開國候炤上饒縣開國候諄度化縣開國候諲仍全封祐豫章
縣開國候詳遂興縣開國候惠紀宜黃縣開國候敬雅寧都縣

開國候恭泰平固縣開國各五百戶

衡陽獻王昌高祖第六子梁元帝除員外散騎嘗侍荊州陷與
宣帝俱還關右高祖即位頻遣使請宣帝及昌周人許之是時
王琳梗於中流昌未得還居於安睦王琳平後天嘉元年二月
昌發自睦踪魯山濟江而巴陵王蕭沈等率百寮上表曰臣聞
宗子維城隆周之懋軌封建藩屏有漢之弘規是以卜世斯永
實資刑衛昂命靈長實賴河楚伏惟陛下神猷光天聖德欽明
道高日月德侔造化往者王業惟始天步方勤艱參奉權謀糾
合義威畧外舉神武內定故以再康禹迹大庇生民者矣及聖
武并遐王師遠次皇嗣受隔繼業靡卹宗祧危殆綴旒非喻既
而傳車言及公卿定策纂我洪基光昭景運民心有奉園寢克

寧後來其蘇復在茲日物情天意皎然可求王琳逆命逋誅歲
以今者連結犬羊乘流縱釁舟旗野陣絲江蔽陸兵疲民困行
軸用空中外騷然藩籬罔固乃盱食當朝平流授律蒼兕既馳
長蛇自翦廓清四表澄滌八紘雄圖遐舉仁聲遠暢德化所覃
風行草偃故以功深於微禹道大於惟堯豈直社稷用寧斯乃
黔黎是賴第六皇弟昌近以眇年出質提絜寇手偏隅闕徽旋
踵末繇陛下天倫之愛既深克讓之懷嘗切伏以大德無私至
公有在豈得徇匹夫之嘗情忘王業之大計憲章故實式遵典
禮欽若姬漢建樹賢戚湘中地維形勢控帶川阜扞城之寄匪
親勿居宜啓服銜疑兼崇徽節臣等參議以昌為使持節散騎
常侍都督湘州諸軍事驃騎軍將湘州刺史衡陽郡王邑五千

戶加給皂輪三望車後部鼓吹一部班劍二十人啓可奉行詔
曰可王
鄱陽王伯山文帝第三子初高祖時天下草創諸王授封儀注
多闕及伯山受封文帝欲重其事天嘉元年七月丙辰尚書八
座奏曰臣聞本枝惟允宗周之業彌高磐既建皇漢之基斯遠
故能協宣五運規範百王式固靈根克隆卜世第三皇子伯山
發壽德於齡年表岐姿於昔日光照舟楫暉映青闈而玉圭未
秉金錫靡駕豈所以敦序維翰建樹藩戚臣等參議宜封鄱陽
郡王詔曰可乃遣散騎常侍度支尚書蕭睿持節兼太宰告於
太廟又遣五兵尚書王質持節兼太宰告於太社其年十月帝
臨軒策命之策訖勅令王公已下並聽於王第

新安王伯固文帝第五子天嘉六年封邑二千戶

晉安王伯恭文帝第六子天嘉六年封子蕃後封

廬陵王伯仁文帝第八子天嘉六年封湘濱侯

江夏王伯義文帝第九子天嘉六年封子元纂封

武陵王伯謙文帝第十子天嘉六年封湘東侯

永陽王伯智文帝第十二子大建中封

桂陽王伯謀文帝第十三子大建中封

豫章王叔英宣帝第三子文帝封建安侯大建元年改封

長沙王叔堅宣帝第四子文帝封豐城侯大建元年改封

建安王叔卿宣帝第五子大建四年封

宜都王叔明宣帝第六子大建五年封

河東王叔獻宣帝第九子大建五年封

新蔡王叔齊宣帝第十一子大建七年封

晉熙王叔文宣帝第十二子大建七年封

淮南王叔彪宣帝第十三子大建八年封

始興王叔重宣帝第十四子後主即位初封

潯陽王叔儼宣帝第十五子後主即位初封

岳陽王叔慎宣帝第十六子大建十四年封

義陽王叔達宣帝第十七子大建十四年封

巴山王叔雄宣帝第十八子大建十四年封

武昌王叔虞宣帝第十九子大建十四年封

湘東王叔平宣帝第二十子至德元年封

臨賀王叔敖宣帝第二十七子至德元年封

陽山王叔宣宣帝第二十二子至德元年封

西陽王叔穆宣帝第二十三子至德元年封

南安王叔儉宣帝第二十四子至德元年封

南郡王叔澄宣帝第二十五子至德元年封

沅陵王叔興宣帝第二十六子至德元年封

岳山王叔詔宣帝第二十七子至德元年封

新興王叔純宣帝第二十八子至德元年封

巴東王叔謨宣帝第二十九子至德元年封

臨江王叔顯宣帝第三十子至德四年封

新會王叔坦宣帝第三十一子至德四年封

新寧王叔隆宣帝第三十二子至德四年封

新昌王叔榮宣帝第三十三子至德二年封立為新昌王

太原王叔正宣帝第三十四子至德二年封臨汝縣侯

方慶高祖弟南康忠壯王休先之孫天嘉中封

吳興王裔後主長子宣帝大建十年封為永康公後立即位立

為皇太子禎明二年廢封

南平王嶷後主第二子至德元年封

永嘉王彥後主第三子至德元年封

南海王虔後主第五子至德元年封

信義王祗後主第六子至德元年封

邵陵王競後主第七子至德元年封

會穆王莊後主第八子至德元年封

東陽王痊後主第九子禎明二年封邑一千戶

吳郡王著後主第十子禎明二年封

錢唐王恬後主第十一子禎明二年封

後魏文安公泥國之疏族也道武厚遇之特封泥子屈明元時屈門下出納命

封元城侯屈子唐潭少

上谷公紇羅神元帝曾孫道武即帝位以援立功與弟達同日

賜爵為公子提封襄城侯

武陵侯因章帝後從道武乎中原以功封曲逆侯太武時改爵

長樂王壽樂章帝後太武時位選部尚書封南安王後改封

望都公顏昭帝後隨道武中原賜爵望都侯太武時進爵為

為公

曲陽侯素延桓帝後以小年從道武征討賜爵

順陽公郁桓帝後文成時位殿中尚書賜爵宜都王日辰桓帝

後文帝成時為尚書左僕射封南平公獻文傳位有定策勲孝

文即位封襄邑子陵平文帝後太武賜爵襄邑男進爵為子

華山王鷲平文帝後孝文末以軍功賜爵晉陽男永初封

松滋侯度平文帝後道武初賜爵

度孫上黨王天穆莊帝踐祚除太尉封上黨後增封通前三萬

戶元顥乘虛陷雒陽莊帝還宮增邑通前七萬戶

西河公敦文帝曾孫也太武時賜爵

樂成侯興烈五帝文成時為河間太守爵賜樂成子獻文初以

子丕貴重進爵

與都子東陽王丕太武時賜爵興平子獻文即位為侍中丞相
山渾謀反丕以奏聞詔誅之改封東陽公孝文時封東陽王後
例降王爵封平陽郡公後詔以平陽畿甸改封新興公子雋邕
並有軍功雋封新安縣男邕封涇縣男

淮陵使大頭烈帝曾孫文成初封

河間公齊烈帝玄孫大武時賜爵浮陽侯從征和龍以功進爵
為功公後座事免官爵後為前將軍尅仇池威振羗氏復賜爵

河間公

齊子蘭孝文初賜爵建陽

扶風公虔貞烈帝之後少以

莊烈聞位殿中尚書

吉陽男地干道武族弟以司衛監討白澗丁零有功封

江夏公呂道武族弟也以軍功封

衛王儀道武兄秦王翰子道武卒賀蘭部侍從出入登國初賜

爵九原公後改封平原公又從封東平公從平中山進封衛王

儀子中山王纂太武踐祚封中山公進爵為王

纂弟新蔡公幹從太武南巡賜爵

幹子沛郡公禎孝武初賜爵

陰平王烈衛王儀弟元紹之逆烈迎立明元以功進爵陰平王

嘗山王遵道武兄壽鳩之子道武初有佐命勲賜爵雒陽公後

封嘗山王

遵子暨陽子可悉陵從太武平涼州殺沮渠茂處一驍將帝壯
之即日拜都幢將賜爵

可悉陵弟城陽公忠孝文時賜爵忠弟德府河間公德弟贊為
司州刺史封上谷侯

陳留公處道武兄統根之子登國初賜爵陳留公處兄蒲城侯
顛從道武平中山以助賜爵

毗陵王順統根弟地于之子登國初賜爵南安公及道武討中
山留順守京師栢肆之敗軍人有亡歸者言大軍奔散不知帝

所在順聞之欲自立納莫題諫乃止時賀力眷等聚象作亂於
於陰館順討之不剋乃從留宮自白登南入繁時故城阻湟水

為固以寧人心道武善之進封為王
遼西公意烈地于弟力貞之子道武平原意烈有戰獲勳賜爵

意烈弟勳以
勳封彭城公

意烈弟武遂子之于明元踐祚賜勳

陽豐公庫汗力真曾孫為羽林中郎將文成起景穆廟賜爵陽
豐侯獻文即位復造文成廟拜殿中給事進爵為公

清河王紹道武子天興六年封

陽平王熙道武子天興六年封熙曾孫均安封康縣伯均一子
忻為東阿侯禹為鄆城縣伯

河南王曜道武子天興六年封

河間王修道武子天錫四年封

長樂王處文道武子天錫四年封

廣平王連道武子天錫四年封

京兆王黎道武子天錫四年封

樂平王丕明元子泰嘗七年封

永昌王健明元子泰嘗七年封

建寧王崇明元子泰嘗七年封

晉王伏羅太武子真君三年封

東平王翰太武子真君三年封秦王後改封

臨淮王譚太武子真君三年封燕王後改封

廣陽王建太武子真君三年封楚王後改封

南安王余太武子真君三年封吳王後改封

陽平王新成景穆子大安三年封新成子衍封廣安侯

京兆王子推景穆帝子大安五年封子推子暹從孝文南征賜爵饒陽男孫暹莊帝時男

梁刺史元顥入暹據州不屈封汝陽王

濟陰王小新城景穆子和平二年封

汝陰王天賜景穆子和平三年封天賜子沂封東燕縣男

樂良王萬壽景穆子和平三年封

廣平王維候景穆子和平三年封

任城王雲景穆子和平五年封

高平縣候嵩任城王澄子從孝文南伐嵩勇冠軍三孝文大悅

而言曰任城康王大有福德文武出其門以功賜爵高平縣候

南安王禎穆子皇興二年封長壽孫顥恭以軍功封平陽

安定王休景穆子皇興二年封及開建五等食邑二千戶休子貴平

莊帝初封東萊王孫長壽武定初封南郡王

廣川王畧文成子暹興二年封

齊郡王簡文成子太和五年封

安豐王猛字秀烈文成子太和五年封

咸陽王禧獻文成子太和九年封後孝文詔以禧元弟之重食

邑二千戶自餘五王皆食二千戶禧子永初封琅初時封太原

王王

趙郡王幹獻文帝子太和九年封河南王孝文遷雒改封趙郡

王王幹子謚初以親列封土蔡縣開國公食邑四百戶讓而不受

時封平鄉縣開國男食邑二百戶王食邑一千戶後復封趙郡王謚弟猷孝明

慶陵王羽獻文子也太和九年封及五等開建羽食勃海之東

邑二千戶子忻孝莊初封沛郡王邑二千戶後改封淮陽王欣

高陽王雍獻文子太和九年封潁川王久之改封高陽五等開

建食邑二千戶靈太后增雍一千戶雍羅孫瑞封安德縣公敵

勤又出帝初封陽平縣巨封濮陽縣伏陀封武陽縣彌陀封新

彭城王勰獻文子太和九年封始平王開建五等食邑二千戶

改封勰薨靈太后詔曰故太師彭城武宣王謙光守納屢為增

邑之賞辭多受少終保初錫之封可以先後所封戶別封三子

為縣公食邑各一千戶子真定縣公子正霸城縣公子莊帝初封

浮陽王剛弟質封林慮王邑各千戶

北海王詳獻文子太和九年封詳子瑱初封平樂

京兆王瑜孝文子太和二十一年封縣公莊帝初進封

清河王懌孝文子太和二十一年封

廣平王懷孝文子太和二十一年封懷子誨孝宣

汝南王悅孝文子景明四年封悅孫綽天平二

樂平王最昭成皇帝宗室從孝武八關封

沛郡王恕前廢帝子普泰元年封渤海王太昌元年改封

陳郡王曜嘗山郡王子興和元年封

宜陽王景植孝靜兄興和二年封

清河王威孝靜弟興和二年封

潁川王謙孝靜弟興和二年封

新刊監本冊府元龜卷第二百六十四

新刊監本冊府元龜卷第二百六十五

宗室部四

封建第四

北齊廣平王盛高祖從叔祖高祖起兵於信都以盛為中軍大

都督封廣平公

永安王浚高祖第三子東魏元象中封永安郡公天保元年進

爵為王

平陽王淹高祖第四子東魏元象中封陽平郡公天保元年進

爵為王

彭城王浹高祖第五子東魏元象二年封長樂郡公天保元年

封彭城王

上黨王漢高祖第七子東魏元象中封平原郡公天保元年封

襄城王洸高祖第八子東魏元象中封章武郡公天保元年封

任城王湝高祖第十子天保元年封

高陽王浟高祖第十一子天保元年封

博陵王濟高祖第十二子天保元年封

華山王凝高祖第十三子天保元年封新平郡王九年改封安

定十五年封華山

馮翊王潤高祖第十四子天保初封

漢陽王洽高祖第十五子天保元年封

清河王岳祖高從父弟後魏太昌初封清河郡公食邑二千戶

天保元年進封

平泰王歸彥高祖族弟天保元年封

武興王普歸彥兄子天保元年封

襄樂王顥國高祖從祖弟天保元年封

廣武王長弼高祖從祖兄子天保元年以宗室封

上雒王思宗高祖從子天保初封

河南王孝瑜文襄長子東魏封河南郡公天保元年進爵為王

廣寧王孝珩文襄第二子天保元年封

河間王孝琬文襄第三子天保元年封

蘭陵王長恭一名孝瓘文襄第四子

安德王延宗文襄第五子為文宣所愛十二文宣嘗問欲作何
王對曰欲作衛天王文宣問楊愔曰天下無此郡名願使安於
德於是封安德焉

漁陽王紹信文襄第六子

太原王紹德文宣第二子

范陽王紹義文宣第三子初封廣陽徙封范陽

西河王紹仁文宣第四子

隴西王紹廉文宣第五子初封長樂後改焉

樂陵王百年孝紹第二子大寧中封

汝南王彥理孝昭子武平初封

始平王彥德城陽王彥基定陽王彥康汝南王彥忠並孝昭子

與汝南同受封

南陽王綽武成第二子初名融字君明出後

漢陽王河清二年改封南陽別為漢陽置後

琅邪王儼武成第三子天統二年封東平王後改封齊安王廓

武成王第四子天統二年封

北平王貞武成第五子天統二年封

高平王仁英武成第六子天統二年封

淮南王仁光武成第七子天統二年封

西河王仁機樂平王仁邕潁川王仁檢樂安王仁雅丹陽王仁

道東海王仁謙並武成子天統三年封

後周晉公護太祖兄子魏帝初封池水縣伯邑五百戶大統初

進爵中山公增邑一千戶孝閔踐祚封晉國公邑萬戶護子會

公至封莒國公靜封崇業公衛王直太祖子西魏封秦郡公武成初進封衛公建德三年進

爵為王

齊王憲太祖子西魏封安城郡公明帝即位進爵齊國公邑萬

戶建德三年進爵為王憲子貴封安定郡公賈河間郡王寶

趙王招太祖子西魏封正平郡公武成初進封趙國公建德三

進爵為王大象元年詔曰以雒州襄國郡邑萬戶為趙國招子

慶德公賈封永康譙王儉太祖子武成初封譙國公建德三年進爵為王

王乾封既越公陳王純太祖子也武成初封陳國公建德三年進爵為王大象

元年詔以濟南郡邑萬戶為陳國

越王盛太祖子武成初封越國公建德三年進爵為王大象元

年詔以豐州武當安昌二郡邑萬戶為越國

代王達太祖子武成初封代國公建德三年進爵為王大象元

年詔以潞州上黨郡邑萬戶為代國

冀國公通太祖子武成初封

滕王趙太祖子武成初封滕國公建德三年進爵為王大象元

年詔以荊州新野郡邑萬戶為滕國

安化王深太祖族子西魏累封長樂縣侯武成元年改封汝南

郡公慶太祖族子從子武帝克弁州以功封幽公

紀王康孝閔子保定初封紀國公建德三年進爵為王

畢王賢明帝子保定四年封畢公建德三年進爵為王

鄴王貞明帝子初封鄴國公建德三年進爵為王

漢王贊武帝子初封漢國公建德三年進爵為王

秦王贇曹王允道王薛蔡王充荊州王元俱並武帝子萊王衍

郢王術皆宣帝子大象二年封

情滕王瓚一名慧高祖母弟周世以太祖軍軍功封竟陵郡公

高祖作相進邵國公及受禪立為滕王子坦封竟陵郡公

衛王爽高祖異母弟也明皇初立為衛王二年賜爽貞食梁安

縣千戶

河間王弘高祖從祖弟高祖為丞相嘗置左右悉心腹賜爵永

康縣公開皇初進爵郡公尋贈其父為柱國尚書令河間郡公

其年立弘為河間王

觀德王雄高族祖子在周封武陽縣公邑千戶大象中進爵邗

國公邑五千戶高祖受禪進封廣平王食邑五千戶以邗公別

封一子雄請封弟士貴許之尋改封清漳王仁壽初高祖曰清

漳之名未允聲望命職方進地圖上指安德王大業中改封觀

德王

雄弟遂寧子達在周封遂寧縣男高祖進爵受禪為子

高陽郡公智明開封縣公智才並高祖弟懋之子開皇元年封

秦王俊高祖第三子開皇元年十一月封後子湛大業初封齊北侯

蜀王秀高祖第四子開皇元年立為越王未幾徒封於蜀

漢王諒一名傑高祖第五子開皇元年封

齊王暕煬帝第二子開皇中立為豫章王食邑一千戶煬帝即位進封齊王增邑四千戶

趙王杲煬帝小子年七歲以大業九年封

長寧王儼廢太子勇長子六歲封儼弟平原王裕安城王筠安

平王嶷襄城王恪高陽王該建安王詔頴川王翼皆男子也並

開皇六年封

燕王倓越王侗並元德太子昭子大業二年封

唐平原王白嗣國之宗室隋末封黃瓜公高祖武德元年受禪

改封

永安王孝基高祖從父弟隋末封蜀公郡武德元年改封

淮安王神通高祖從父弟武德元年封永康王尋改封貞觀元

年賜實封五百戶

神通子膠東王道彥高祖受禪封義興郡公武德五年進封膠

東王

道彥弟高密王孝察淄川王孝同廣平王孝慈河間王孝友清

河王孝節膠西孝義貞觀初降爵為公

初高祖受禪以天下未定廣封宗室以威天下

皇從弟及姪年孩童者數十人皆封為郡王太宗即位因舉宗正屬籍問侍臣曰編封宗子於天下便乎尚書右僕射封德彝對曰歷觀往古封王者今最為多兩漢已降雖封帝子及兄親弟若宗室既遠者非有大功如之耶滕漢之賈潭並不德濫封所以別親疎也先朝敷睦九族一切對王爵命既隆多給力役蓋以天下為私殊非至公取物之道太宗曰朕理天下本為百姓非欲勞百姓以養己之親也於是宗室率以屬既降爵神

襄邑王神符神通弟也義寧初封安吉郡公武德元年進封襄

邑郡公

神符次子德慈武德初封臨川郡王少子文暉魏郡王後例降為公

長平王叔良高祖從父弟也義寧初封長平郡公武德元年進

爵為王

叔良弟新興王德良武德初封

德良弟長樂王幼良武德初封

襄武王琛高祖從父兄子也義寧初封襄武郡公武德元年進

爵為王

琛弟河間王孝恭初封趙郡公武德二年進爵為王九年賜實

封邑千二百戶貞觀初以功臣之例封河間郡王

孝恭弟濟北郡王域武德中封

域弟漢陽郡公環武德元年封漢陽郡公五年進爵為王太宗

即位例降爵為公

廬江王瑗高祖從父兄子武德元年封

淮陽王道玄高祖從父兄子武德元年封

江夏王道宗道玄從父弟武德元年封雒陽郡公武德五年授

靈州總管梁師都據夏州遣弟引突厥兵數萬至其城下道宗

閉門拒守伺隙而戰賊徒大破高祖聞而嘉之謂左僕射裴寂

等曰道宗今能守邊以寡制衆若魏任城王彰臨戎却敵道宗

勇敢有同於彼遂封為任城王貞觀三年以功賜實封六百戶

十二年改封江夏王

隴西王博又渤海王奉慈皆高祖兄子武德元年封巢王元吉

高祖第四子義師起封姑臧郡公尋進封齊國公武德元年進

爵為王

元吉子梁郡王承業 貞陽王承鑿 普安王承獎 江夏王承裕 義陽王承度

荆王元景高祖第六子武德三年封趙王貞觀十年徙封

漢王元昌高祖第七子武德三年封為魯王貞觀十年改封

鄴王元亨高祖第八子武德三年封

周王元方高祖第九子武德四年封

徐王元體高祖第十子武德四年封鄭王貞觀六年賜實封七

百戶徙封

韓王元嘉高祖第十一子武德四年封宋王五年徙封徐王貞

觀六年賜實封七百戶十年改封元嘉子穎川王訓
武陵王誼黃公諤

彭王元則高祖第十二子武德四年封荆王貞觀十年改封

鄭王懿高祖第十三子也武德四年封滕王貞觀七年賜實封

六百戶十年改封

霍王執高祖第十四子武德六年封蜀王八年徙封吳王貞觀

七年賜實封六百戶十年改封

虢王元鳳高祖第十五子武德六年封幽王貞觀七年賜實封

六百戶十年徙封元鳳子定襄郡公融

道王元慶高祖第十六子武德六年封漢王八年改封陳王貞

觀九年賜實封八百戶十年改封

鄧王元裕高祖第十七子貞觀五年封劄王十一年改封

舒王元名高祖第十八子貞觀五年封譙王十一年徙封元名子豫

章王

魯王雲燕高祖第十九子貞觀五年封魏王十年改封燕王賜

實封八百戶十四年改封雲夔子清河王
說范陽王藹

江王元詳高祖第二十子也貞觀五年封許王十一年徙封
密王元曉高祖第二十一子也貞觀五年封

滕王元嬰高祖第二十二子也貞觀十二年封
太原王承宗安陸王承道河東王承德武安王承訓汝南王承

明鉅鹿王承義立為隱太子子

吳王恪太宗第三子武德三年封長沙郡王貞觀初改為漢王

十年徙封

恪子成王千里初名仁永徽中恪被誅流于嶺表尋封為封林

縣侯中興初進封成王千里弟歸政郡王竟中興初封

濮王泰太宗第四子武德三年封宜都郡王四年進封衛王貞

觀二年改封越王十年徙封魏王十七年降封東萊郡王尋改

封為順陽王二十一年進封濮王

齊王祐太宗第五子武德八年封宜陽王其年改封

楚王貞觀二年徙封燕王十年改封齊王

蜀王愔太宗第六子貞觀五年封梁王十年改封

蔣王暉太宗第七子貞觀五年封郟王十年改封暉子蔡

越王貞太宗第八子貞觀五年封漢王十年改封原王尋徙封

越王

紀王慎太宗第十子貞觀五年封申王十年改封慎子東平王

楚國公督襄郡公秀廣

江王翳太宗十一子貞觀五年封

代王簡太宗十二子貞觀五年封

趙王福太宗第十三子貞觀十三年封

曹王明太宗第十四子貞觀二十一年封

原王孝高宗第二子永徽元年封

澤王上金高宗第三子永徽元年封杞王乾封元年有罪削封

邑仍於澧安置文明元年封畢王尋又改封澤王

許王素節高宗第四子永徽二年封雍王年十二改封郟王為

則天諛嫉出為申州刺史則天誣以賊賄降封鄱陽郡王仍於

袁州安置文明元年封葛王尋又改封許王

安樂郡王光順高宗太子賢長子天授中封樂安郡王

光順弟守義永安郡王文明中封犍為郡王垂拱四年徙封

守義弟邠王守禮本名光仁初封嗣雍王神龍元年進封邠王

守禮子廣武郡王承宏開元初封燉煌郡王永宗至德二年封

譙王重福中宗第二子初封唐昌王聖曆三年徙封平安王長

安王長安四年進封譙王

襄王重茂中宗第四子聖曆三年封北海王神龍初進封溫王

為韋庶人所立韋氏敗茂遜位景雲二年改封襄王遷於集州

湖陽王宗暉中宗太子重俊子開元初封

寧王憲本名成器睿宗長子初封永平郡王長壽二年改封壽

春郡王中宗即位改封蔡王加實封通舊七百戶固辭不敢當

依舊為壽春郡王唐隆元年進封宋王開元四年封寧王憲子汝陽

郡王進齊陰郡王莊同安郡王珣開元初封蒼梧郡開國公珽

晉昌郡開國公瑄魏郡開國公瑄文安郡開國公瓘並天寶十

一載封中漢王瑀初封隴西郡公天寶十

五載從玄宗幸蜀至漢中因封漢中王

申王撫本名承義睿宗第二子垂拱三年嘗封山王尋改封衡陽郡王睿宗踐祚進封申王

岐王範本名隆睿宗第四子初封鄭王尋改封衛王張壽二年

徙封巴陵郡王睿宗踐祚進封岐王範子河東郡王瑾

薛王業本名隆業睿宗第五子垂拱三年封

趙王長壽二年改封中山郡王又改封彭城郡王睿宗即位進

封薛王業子樂安郡王瑒榮陽王瑒

汝南王隆悌睿宗第六子則天時封王

慶王琮玄宗長子景雲元年封許昌郡王先天元年進封鄴王

開元十三年改封慶王琮子鄭國公傲天寶十載封

新平郡王儼平原郡王仲皆玄宗第四子瑛之子也並開元二

十八年封

棣王琰玄宗第四子開元二年封鄆王十二年改封棣王琰子汝南

郡王儼宜都王微濟南王儼宋國公僑

豐王璠玄宗第五子開元二年封

榮王琬玄宗第六子開元二年封鄆王十二年封榮王琬子齊陽王備

北平王儼

光王琚玄宗第八子開元十三年封

儀王璣玄宗第十一子開元十三年封璣子陵郡王供廣陵王健臨川王伉

穎王璪玄宗第十三子開元十三年封璪子崇陽郡王仲高邑郡王儼楚國公倪蔓國

國傳

永王璘玄宗第十四子開元十三年封璘子襄城郡公儼莒國公偵國成

公儂

壽王瑁玄宗第十八子開元十三年封瑁子河間郡王儂濟陽

國公伧滕國公
侑安德郡王儂

延王玢玄宗第二十子開元十三年封玢子彭城郡王仲陽陵

公儂

盛王琦玄宗第二十一子開元十三年封琦子真定郡王儂武

許國公儂

濟王環玄宗第二十二子開元十三年封環子永嘉郡王儂平

信王璿玄宗第二十三子開元十三年封璿子新安郡王儂晉

越國公儂

義王玘玄宗第二十四子開元十三年封玘子舞陽郡王儂高

魏國公儂

陳王珪玄宗第二十五子開元二十三年封珪子臨淮郡王儂

郡王儂代

曹王珙玄宗第二十六子開元二十三年封珙子齊安郡王儂

公儂江

嵩山王頊玄宗第二十七子開元二十八年封

涼王璿玄宗第二十九子開元二十三年封璿子廬陽郡王儂

公儂鄭

汴王璿玄宗第三十子開元二十五封

越王係本名儂肅宗第二子天寶中封南陽郡王至德二年進

封趙王乾元元年封係子武盛郡王建興道郡王道郡王齊國

公逾並元年建丑月封

建寧郡王倓肅宗第三子天寶中封代宗即位建寧郡王大

西平郡王佖肅宗第四子天寶中封寶應中封衛王

彭王倓肅宗第五子天寶中封新城郡王至德二年進封子

嘗山郡王述元年進五月封

兗王倓肅宗第六子天寶中封潁川郡王至德二年進封

涇王倓肅宗第七子天寶中封東陽郡王至德二年進封

鄆王榮肅宗第八子天寶中封靈昌郡王寶應中進封郡王

襄王橫肅宗第九子至德二年封

杞王倓肅宗第十子至德二年封

召王傀肅宗第十一子至德二年封

興王佖肅宗第十二子至德二年封上元元年追贈六子

定王侗肅宗第十三子至德二年封

宋王僖肅宗第十四子初封淮陽王後封宋主

鄭王邈代宗第二子肅宗元年建丑月封益昌郡王寶歷元年

改封天歷九年贈昭靖太子

睦王述代宗第四子大歷十年封述子汝源郡王調貞元四年封

丹王逾代宗第五子大歷十年封柳王建中四年改封逾子寧

訪貞元四年封

恩王連代宗第六子大曆十年封連子景成郡王誨貞元四年封

韓王迥代宗第七子初封延慶郡王丹曰獨孤皇后以母寵既

生而受封寶二年封韓王迥子安康郡王誨元初元年封

簡王邁代宗第八子大曆十年封鄜王建中四年改封邁子寧

誕貞元四年封

益王迺代宗第九子大曆十四年封

隋王迺代宗第十子大曆十二年封

蜀王濶代宗第十二子大曆十四年封

忻王造代宗第十三子大曆十年封造子武威郡王諸貞元四年封

韶王暹代宗第十四子大曆十年封暹子晉昌郡王詡貞元四年封

嘉王運代宗第十五子大曆十年封運子新安郡王訢貞元四年封

端王遇代宗第十六子大曆十年封遇子新興郡王誠貞元四年封

循王邁代宗第十七子大曆十年封邁子平樂郡王詒貞元四年封

恭王通代宗第十八子大曆十年封

原王達代宗第十九子大曆十年封

雅王逸代宗第二十子大曆十年封

舒王誼代宗太子邈之子以其最幼德宗憐之命為已子大曆

十四年封舒王建中四年改封晉王貞元元年復封舒王誼子寧基

郡王抄貞元四年封

通王諶德宗第三子大曆十四年封

虔王諒德宗第四子大曆十四年封

肅王詳德宗第五子大曆十四年封

邕王源順宗之子德宗愛之命為子貞元四年封

資王謙德宗第七子大曆十四年封

代王謹德宗第八子本封晉雲郡王追封代王

昭王誠德宗第九子貞元二十一年封

欽王諤德宗第十子順宗即位封

珍王誠德宗第十一子順宗即位封

郊王經本名渙順帝第二子貞元四年封建康郡王二十一年

進封

均王緯本名沔順宗第三子貞元四年封洋川郡王二十一年

進封

淑王縱本名洵順宗第四子貞元四年封南淮王郡二十一年

進封

莒王紆本名浼順宗第五子貞元四年封弘農郡王二十一年

進封

密王綱本名泳順宗第六子貞元四年封漢東郡王二十一年

進封

郇王總本名湜順宗第七子貞元四年封晉陵郡王二十一年

進封

邵王約本名淑順宗第八子初貞四年封高平郡王二十一年

進封

宋王結本名滋順宗第九子貞元四年封雲安郡王二十一年

進封

集王綰本名淮順宗第十子初封宣城郡王貞元二十一年進

封

冀王絳本名滑順宗第十一子貞元四年封德陽郡王二十一年

年進封

和王綺本名浥順宗第十二子貞元四年封河東郡王二十一年進封

衡陽王約順宗第十三子貞元二十一年封

欽王績順宗第十四子貞元二十一年封

會王纁順宗第十五子貞元二十一年封

福王綰本名浥順宗第十六年母莊憲王皇后憲宗同出貞元

四年封河東郡王二十一年封

珣王繕本名况順宗第十七子貞元四年封雒交郡王貞元二

十一年進封

元王紘順宗第十八子貞元二十一年封

岳王緄順宗第十九子貞元二十一年封

袁王紳順宗第二十子貞元二十一年封

桂王綸順宗第二十一子貞元二十一年封

翼王緝順宗第二十二子貞元二十一年封

鄧王緝順宗第二十三子咸通八年封臣欽若等按懿宗咸通

歲始受史臣之誤也

汨王憚本名寬憲宗第二子貞元二十一年封同安郡王元和

元年進封憚子東陽郡王漢安睦郡王浥臨安郡王演一作潢太和八年同封

深王悰本名察憲宗第四子貞元二十一年彭彭城郡王元和

元年進封悰子河內郡王潭吳吳郡王叔叔一作叔太和八年封

洋王忻本名寰憲宗第五子貞元二十一年封高密郡王元和

元年進封忻子潁川郡王希大和八年封

絳王悟本名寮憲宗第六子貞元二十一年封文安元祐元年

進封悟子新平郡王深高平貞元二十一年封高平

建王恪本名審憲宗第七子元和元年封

鄜王憬憲宗子臣欽若等曰此復長慶元年封憬子平陽郡公

瓊王悅憲宗子長慶元年封悅子河間

沔王恂憲宗子長慶元年封沔子普陵

發王懌憲宗子長慶元年封懌子新平

茂王愔憲宗子長慶元年封愔子武功

淄王協憲宗第十四子長慶元年封協子許昌郡王

衡王澹憲宗子長慶元年封澹子晉平

澶王悅憲宗子長慶元年封悅子屬門

埭王惲憲宗子大中六年封

彭王愔憲宗子大中三年封

信王懷憲宗子大中十四年封

榮王情憲宗子咸通三年封

漳王湊穆宗第六子長慶初封

安王溶穆宗第八子長慶元年封

晉王懷晉敬宗長子寶曆元年封

梁王休復敬宗第二子開成元年封

襄王執中敬宗第三子開成元年封

樂平郡王家執中第三子開成三年封

紀王言楊敬第四子開成三年封

宣城郡王儼敬宗太子成美子開成三年封

蔣王宗儉文宗第二子開成二年封

杞王峻武宗子開成五年封

益王現究王峻德王嶧昌王嵯並武宗子會昌二年封

雍王漢宣宗子也會昌六年封

雅王涇宣宗第二子大中元年封

夔王滋宣宗第三子會昌六年封

慶王沂宣宗第四子會昌六年封

濮王澤宣宗第五子大中二年封

鄂王潤宣宗第六子大中五年封

懷王洽宣宗第七子大中八年封

昭王訥宣宗第八子大中八年封

康王汶宣宗第九子大中八年封

衛王灌宣宗第十子大中八年封

廣王灃宣宗第十一年封

魏王儉懿宗子咸通三年封

涼王佺懿宗子咸通三年封

蜀王佖懿宗子咸通三年封

盛王侶懿宗子咸通六年封

莒王保懿宗子咸通十三年封

睦王倚懿宗子咸通十三年封

建王震僖宗子中和元年封

益王陞僖宗子光啓三年封

德王裕昭宗長子大順二年封

堦王昶昭宗第三子乾寧二年封

虔王禊昭宗第五子乾寧二年封

沂王禔昭宗第六子乾寧二年封

遂王禕昭宗第七子乾寧二年封

景王祕昭宗第八子乾寧四年封

祁王祺昭宗第十子乾寧四年封

雅王禎昭宗第十一子乾寧四年封

瓊王祥昭宗第十二子乾寧四年封

梁廣王金昱太祖長兄也開平元年封子衡王友諒惠王友

邵友誨並與父同受封

郢王珪友太祖開平元年封

福王友璋太祖子開平元年封

賀王友雍太祖子開平元年封

建王友徽太祖子開平元年封

康王友孜太祖子乾化三年封

後唐永王存霸莊宗第二弟同光三年封

邕王存美莊宗第三弟同光三年封

申王存渥莊宗第四弟同光三年封

睦王存乂莊宗第五弟同光三年封

通王存確莊宗第六弟同光三年封

推王存紀莊宗第七弟同光三年封

魏王繼岌莊宗子同光三年封

秦王從榮明宗第二子長興元年封

許王從益明宗第幼子長興四年封

兗王從溫明宗猶子長興四年封

洋王從璋明宗猶子長興四年封

雍王從美末帝次子清泰元年封

追封領鎮
名具逐門

臣叙若等曰自晉至周三代
宗室皆授節將而無王爵其

新刊監本冊府元龜卷第二百六十五終



